

LEBAKA LA

KEREKE YA SIMIRINA

 Tate wa Letago kudukudu, re thabile kudu bošegong bjo go tseba gore ka gare ga borena re na le Bophelo bja gosehwe. Bophelo bja Modimo wa rena bo arogantše ke maleme a mollo gomme bja dula godimo ga yo mongwe le yo mongwe wa bona, gomme bohole ba ile ba tlatšwa ka Moya wo Mokgethwa gomme ba thoma go bolela ka maleme amangwe ka mo Moya o ba filego polelo. O Tate, re Go leboga bjang gore O ikarogantše Wenamong magareng ga Kereke. Ga go makatše Morena wa rena o rile, “Letšatši leo le tla tseba gore Ke ka go Tate, gomme Tate ka go Nna, Nna ka go lena, gomme lena ka go Nna.” Ka fao Modimo wa Legodimo a dulago magareng ga batho ba Gagwe! “Lebakana le lennyane gomme lefase le ka se Mpone gape, efela lena le tla Mpona, gobane Ke tla ba le lena, ebole le ka go lena go fihla bofelong bja lefase.” Go theoga go kgabola lebaka la kereke le lengwe le le lengwe O tla ba mo, go swana maabane, lehono, le go ya go ile, gomme re tla Go tseba ka mediro ye O e dirago. “Maswao a a tla latela bona bao ba dumelago.”

² Morena, go boneng se—go boneng sehloa sa mabaka ohle, nako e lokela go fela gomme Bokagosafelego bo tsena ka gare. Tate Modimo, re thabile kudu go tseba gore re phela ka go mašalela ale lehono; go šetšeng maphele a rena le go bona mohuta wa dinepo tše re nago le tšona, mabaka a re nago le wona, le go boneng gore Moya wo Mokgethwa o tšere taolo. Modimo, anke motho yo mongwe le yo mongwe ka go Bogona bjo Bokgethwa bošegong bjo a lemoge mabaka a a kereke a re phelago ka go wona gomme a tšhabele ka lebelo go Morena Jesu, gobane go ngwadilwe pepeneneng, gore, “Leina la Morena ke tora ye maatla, baloki ba tšhabela ka go Lona gomme ba bolokega.”

³ O Modimo, etla bošegong bjo gomme o tlotše borena, Morena. Tliša batsekelli, O Morena, ba ba gakanegilego bjalo; lebelo dinku tša go šokiša, Morena, ga di tsebe di dumele eng; go na le dipitšo tša modiša go tšwa mogohle. Re a rapela, Tate, gore di tla kwa Modiši yo mogolo yola wa mohlape, Morena Jesu, Moya wa Gagwe wo mogolo o bolela bošegong bjo, o re, “Ngwana wa Ka, etla go Nna gomme Ke tla go fa Sabatha, Khutšo ye e go tswalelelago go bofihlo bja gago bja ka Gosafelego.” E sego go tšokatšokišwa godimo ga lefase bjalo ka ge re bona nako e fela bjale. E fe, Tate. Bolela ka seboledi, theetša ka ditsebe tša bao ba kwago, gobane bohole re theeditše. Ka go la Jesu Leina re a rapela. Amene. Le ka dula.

⁴ Bjale, bošegong bjo re ithuta lebaka la kereke la bobedi. Ke bona ba bantši ba bona ba tsea dinoutse le dilo, gomme ke ka lebaka leo ke nyakago go dira se go ba pepeneneng nako le nako.

⁵ Bjale, lebaka la kereke la bobedi le be le bitšwa lebaka le kereke la Simirina. Gomme le diregile, Lebaka la Simirina, le tliišitše ka gare ka nako ya go swana ge Lebaka la Efeso le ile swiswinig. Lebaka la Efeso le bile go tloga A.D. 55 go fihla A.D. 170. Lebaka la Simirina le tlide ka gare ka 170 gomme le ya go fihla 312. Kereke ye ke kereke ya go hlomarwa; yona ye e aparago mphaphahlogo wa bahwelatumelo, ke kereke ya tlaišego. Gomme tshepišo ya Modimo go yona, go Kereke ye e Kgethilwego ka go lona, e bile go e fa mphaphahlogo wa Bophelo.

⁶ Kereke ye nngwe le ye nngwe e bile le *naledi* ye e bego e swerwe ka seatleng sa Modimo, e bego e emetše “motseta” go lebaka leo la kereke. Yo mokaonekaone ke kgonnego go mo nagana e bile motseta ka go lebaka la kereke ya Efeso (gobane Beibele ga e bolele gore ke bomang) e bile Paulo; gobane o hlomile kereke ya Efeso gomme o bile modiredi wa lebaka leo; yoo o tliištše Seetša go Kereke yeo, yeo Mokgethwa Johane a e tšeetšego godimo go tloga fao. Gomme morago Polycarp, le go theoga... Polycarp, a ke re, go ya go theoga.

⁷ Bjale, Lebaka la Simirina, ke dumela ka yohle pe... gore ke kgonne go hwetša, e bile Irenaeus. Gomme bjale ke nyaka go le fa lebaka gobaneng ke kgethile Irenaeus go na le Polycarp. Bjale, bontšintši banna ba baruti bohole ba nyaka go nagana (le barutiši ba Beibele) gore morongwa yola e be e le Polycarp. Polycarp e be e le morutiwa wa Mokgethwa Johane, yeo ke therešo. Gomme Polycarp o tswaletše... o—o bile mohwelatumelo, ba mo hlabil thwi ka pelong le go mmolaya. Bjale, eupša o be a le monna yo mogolo, monna wa go tsebalega, monna wa bomodimo, yo bose. Ntle le pelaelo yo mongwe wa Bakriste ba bagologolo re kilego ra ba le bona. Gomme go be go se selo o bego o ka kgona go se bolela kgahlanong le bophelo bja gagwe.

⁸ Lebaka le ke kgethilego Irenaeus: gobane ke a dumela Irenaeus o be a le kgauswiuswi le Lengwalo go feta ka mo Polycarp a bego a le. Gobane Polycarp o be a itshamile mohuta wa go lebanya kgopoloy Roma ya go hloma mokgatlo. Gomme—gomme Irenaeus o be a le kgahlanong le wona ntle le go šikinyega, o o latotše ka go felela. Gomme ka gona, bjalo ka ge bohole re tseba, taba ye kgolo ke ge e etla ka Nicene Council; ye nngwe ya ditaba tše kgolo e be e le a e ka ba Modimo ke ba *bararo* goba Modimo e be e le yo *motee*. Gomme Irenaeus o tšere lehlakore gore Modimo o be a le Modimo, bjale, feela yo Motee.

⁹ Nka no bala go tšwa go *The Ante-Nicene Fathers*, bolumo tee, letlakala 412, feela setsopolwa se sennyane; ge o nyaka go bea yeo fase, bolumo tee ya *The Ante-Nicene Fathers*. Gomme go

letlakala la lesomepedi, gomme ke . . . Ge o be o nyaka bolumo, ke karolo ya mafelelo ya bolumo tharo. O ka no kgona go bala selo sohle; go na le ditema tše mmalwa tša yona, goba mafoko a mmalwa. Bjale ke thoma go bala thwi go ya mafelelo—thwi ya mafelelo ya masomepedi, ditemana tše masometharo tša yona. Nka se e bale yohle, eupša karolo feela ya yona:

“Ditlhagišo tšohle tše dingwe ka go swana go beng . . . di tliša ntle thaetlele ya setee le sa go swana Sephedi;” (Le a bona, o leka go bolela yo ba Mmitšago, ‘Tate, Morwa, le Moya wo Mokgethwa,’ gomme o rile, “Tše ke *dithaetlele*, e sego maina, dithaetlele tša Sephedi Setee.” Seo ke tlwa se re se rutago le lehono.) “bjalo, ka mohlala” (gomme ka gona ka tlhalosokoketšo) “(ka Seisimane), *Morena wa Maatla*, *Morena Tate wa bohole*, *Modimo Ramaatlakamoka*, *wa Godimo Kudukudu*, Mohlodi, *Mmopi*, le tše boka tše bjalo. A ga se maina le dithaetlele tša tlhatlamano ya diphedi tša go fapana, eupša tša setee le sa go swana,” (Amene!) “ka leina le Modimo yo motee, Tate, ke . . . Yena—Yena yo dilo tše tšohle . . . a fago tšohle . . . go ba gona, bothakga bja go ba gona gohle.”

¹⁰ Irenaeus o bolela gore “dithaetlele Tšohle tše di ngotlofatšwa ka go Leina le tee, ka tlase ga Modimo o tee, gomme e no ba dithaetlele tša se A bego a le sona.” O be a le Rosa ya Sarona. Seo ke se A bego a le sona. Yeo ke thaetlele. O be a le Naledi ya Moso. O be a le Alefa. O be a le Omega. Tše ke dithaetlele tša se A bego a le sona. O be a le Tate. O be a le Morwa. O be a le Moya wo Mokgethwa. Eupša go ne Modimo yo motee. Modimo yo motee, gomme Leina la Gagwe ke le Letee. Gomme ke lebaka le tee le ke nagannego Irenaeus o be a nepile ka—ka go phekolo ya gagwe mo, goba tlhathollo ya Lengwalo.

¹¹ Selo se sengwe se ke ratago go le balela, se hwetšwa ka go puku: *E Diregile Bjang?* Gomme ye ke ka borahistori. Gomme, *E Diregile Bjang?* ka R. C. Hazeltine, histori ya dikereke tša pelepele. Gomme mo ka go letlakala 180: “Mpho Ya Semoya Ka Go Nako Ya Irenaeus, A.D. 177 go fihla 202.” Bjale, lebaka le ke tsopolago ye, e ya go theipi, le a bona, gomme—gomme e tla tšewa go tloga dipukung:

“E bile ka go nako ya Irenaeus gore bontši bja kereke ya Boapostola ka Fora e bile le dimpho tšohle tša Moya wo Mokgethwa.” Seo e be e le go tšwa go yena a ruta, le a bona. “Maloko a kereke ya Irenaeus ka Lyon,” yeo ke Lyon, Fora, “a boletše ka maleme. E be e se selo sa go se tlwaelege go bona yo mongwe a hwilego a tlišwa morago bophelong. Phodišo e be e le—phodišo e be e le tiragalo ya letšatši le lengwe le le lengwe ka go tšohle tša boebangedi . . . dikereke tšohle tša boebangedi mogohle.” Irenaeus yola o be a tseba mokgwa wa go ruta! “Mehlolo e be e le kgafetša. Gabotse, dikereke tšela di be di sa tsoge tša ba ntle le ketelo ya mohlolo ya bogona bja Modimo e ka ba ka pono, phego ya dielemente tša tlhago, ka go

mohlolo, go eletša Bakriste ba boebangedi ba letšatši leo, ba be ba le barutiwa ba Gagwe ba go ratega. Eupša go tšwa go dihistori tša go feta, ga re kgone go kgoboketša tiragalo e tee go tša go tsoša bahu ka go kereke ya Roma ya mathomo.”

¹² Bao ke batho ba ba sa . . . se nago kgahlego ka go lehlakore e ka ba lefe, ba no bolela therešo. Ke borahistori.

¹³ Ke ka baka leo ke naganago Irenaeus, gobane, le a bona, o bile le tumelo ya go swana le ye Paulo le barutiwa ba e filego. Ke ka baka leo ke na le . . . ke a dumela gore o be a le morongwa wa kereke ya Simirina, gobane o be a . . . o bile le dithuto tša go swana tša Lengwalo; le dithuto tša go swana tša Lengwalo godimo ga motheo wa Lentšu la Modimo le le tšweletšago selo sa go swana nako le nako. Ge ka bonolo o ka no tšeafomula ya Modimo le go e phethagatša go fihla letereng, ga go kgathale se dikereke di se bolelago, e no le latela feela ka tsela ye le boletšego, le tla tšweletša selo sa go swana. Gomme seo ke se Irenaeus a se dirilego.

¹⁴ Bjale, ke a nagana gore Polycarp e be e le monna yo mokaone, kwešišang; eupša ke re o be a itshamile kudu go kereke ya go kgatlofatswa, le go swana le ka mo Banikolaite ba bego ba dira. Ba be ba kgatlofatsa kereke, le—le go tliša bongwanešu mmogo. Seo se bonalago se le lokile bohlaleng, eupša, le a bona, Moya o kgole kudu pele ga bohlale go fihla . . . ebile o ka se kgone go nagana gabotse go—go Moya. “Megopolo ya Ka ya godimo e godimdimo go feta megopolo ya lena,” go boletše Modimo. “Ditsela tša Ka di godimodimo go feta ditsela tša lena.” Kafao go tsela e tee feela go dira seo; e no Mo latela ka mothalobolou. Yeo ke nnete.

¹⁵ Bjale, re ka no nagana, ge o be o eya go tloga mo . . . Ge ke be ke eya Chicago bosegong bjo, ke be nka no tšwela ka ntłe ga mo gomme kaikhweletša khamphase, gomme ka re, “Bjale a re boneng, Chicago e dutše thwi ka tsela ye. Go lokile, ke tla tšeal le letona.” Ke be nka se tšwele ka ntłe ga Jeffersonville. Le a bona? Ke swanetše go ikhweletša mmepe wa ditsela. Gomme fao go—fao go letše . . . tsela e thadilwe ntłe gore nka kgona go fihla Chicago mo diiring tše tshela goba tše šupa tša go sepela ka sefatanganaga, eupša nka se kgone go no kgaoletša ka tsela e ka ba efe. Sefofane ga se kgone go no kgaoletša ka tsela e ka ba efe; se na le mo—mo mothalo wa moyeng goba bogodimo bjo bo itšego le dilo tše a swanetšego go di fofa, tšaigrata tše di itšego a swanetšego go dula ka go tšona.

¹⁶ Go na le tsela fao ye e dirilwego, gomme Modimo o na le tsela. Modimo na le tsela bakeng sa Kereke ya Gagwe, bakeng sa batho ba Gagwe. Gomme Yena ga se a ke a tsoge a ikaelele Yona go laolwa ke bomopapa, dikhadinale, bopišopomogolo, goba baokamedi pharephare. Moya wo Mokgethwa ke Morutišimogolo wa Kereke ya Modimo wa go phela, go E godiša. Gomme

bokgethwa bjohle ga bo ye go mokhadinale goba moprista, go mo dira monna yo mokgethwa ka go—ka go kereke, e ka ba eng. Maloko a no ba le tokelo...tokelo ye ntši go Moya wo Mokgethwa bjalo ka moreri e ka ba mang, modiša, letikone, mohlokomeaphahlo, eng kapa eng go feta. Leloko!

¹⁷ Gomme lebaka leo ba e bitšago Maniko-laite... Bjalo ka ge re bile bošego bja go feta, Bonikolaite, re robile lentšu le go le tšea go tšwa go Segerika. Gomme N-i-k-o, e era... *Niko*, e rago “go fenza goba go fekeetša.” Eng? N-i-k-o, Boniko-laite, *maloko*. “Go fenza maloko,” go e fekeetša ka go ba fa tshepedišo ya banna, banna ba baruti ba ba bego ba tla ba ruta le go... ba be ba tla dira mafetšo a bona beng mmogo. Ke ka fao Nicene Council ya go swarwa. Gobane bontši bo tlie mmogo le go breakanya tshepedišo ya Nicene Council. Ga re... nyake go bolela kudu ka yona, gobane yeo ke Labone bošego, ka go Nicene Council.

¹⁸ Eupša fao ke mo Kereke ya Katoliki ya Roma e bopilwego, go tšwa go sehlopha se e bego e le basokologi ba Mokgethwa Paulo, le Irenaeus, le Mokgethwa Martin, le go ya pele go theoga. Ba be ba le Bakriste ba ba sokologetšego go... go tšwa go bohetene godimo go ya go Bokriste, eupša ba be ba nyaka go gogela kereke morago ka go sebopego sa bodiredi bja Testamente ya Kgale, bjalo ka go ba le baprista bagolo, le—le tlhatlamano ya boapostola, boka mopapa yo motee go mopapa yo mongwe, mopapa yo mongwe. Ge re be re ka kgona go ya go theoga go kgabola Beibele ye, le be le tla hwetša gore yeo ke feela therešo tlwa le ka fao Modimo a ahlotšego selo go tloga go wona mathomo; gomme lebaka la kereke la bošego bja go feta, o rile, “Ke bo hloile!” gomme kafao le Kereke e dirile bjalo.

¹⁹ Modimo ga se a ke a ikaelela Kereke go sepedišwa ke banna. Modimo o sepediša Kereke ya Gagwe, gomme O e sepediša ka dimpho tša Moya. Dimpho tša Moya di ka Kerekeng go phošolla moyo. O na le diofisi tše tlhanoo tša bodiredi ka Kerekeng ya Gagwe. Ya mathomo ya tšona ke baapostola, goba, baromiwa. Boromiwa ke pitšo ya godimodimo e lego gona, moapostola. Lentšu moromiwa le ra “yo a romilwego”; *moapostola* go ra “yo a romilwego.” Gobaneng ba ile ba kgetha go bitšwa moromiwa, ga ke tsebe. Eupša ke baapostola. Go lokile. Baapostola, baprofeta, barutiši, baebangedi, badiša. Bjale, tšeо ke diofisi tše di kgethilwego ke Modimo go Kereke ya Gagwe.

²⁰ Ka gona ka go kereke ye nngwe le ye nngwe ya selegae go na le dimpho tše senyane tša semoya tše di tlago magareng ga batho, tšeо ke, tsebo, bohlale, dimpho tša phodišo, go dira mehlolo, go bolela ka maleme, go hlatholla maleme. Gomme dilo tše tšohle di ya ka go mmele wo mongwe le wo mongwe wa selegae. Gomme motho yo mongwe le yo mongwe ka kerekeng o na le bodiredi bja motho ka motho, gomme bodiredi bjoo bja motho ka motho bo ya mmogo le bodiredi ka moka, go godiša Mmele wa Jesu Kriste. Gomme go se tsoge...

²¹ Bjale, elelwang se, gore mo go... Ke tla thala methalo ye bošegong bjo. Kereke ya mathomo, Efeso; Simirina, Peragamo, Thiathira, Saredo, Filadelifia, Laodikia. Bjale, elelwang ge se se eya pele, kereke *ye* e bile le botlalo bja Moya, eupša mafelelong a lebaka re hwetša gore E be e gatelelwa ka ntle. Lebaka la kereke la go latela le gateletše gannyane go fetiša; gannyane go fetiša; go fihla ge e tee *ye*, go be go no ba tshetlana ya ntathana ye nnyane. “O na le dilo di se kae,” O boletše. Oo, ge re fihla go lela Lebaka la Kereke la Thiathira!

²² Bjale, morago ge leo le tlie, Modimo o tsošeditše godimo Mojeremané ka leina la Martin Luther yo a akgetše Kereke morago gape. E thomile ntle gannyane go fetiša, o rerile Tokafatšo; go bapa go tlie Martin Luther, o rerile Tokafatšo. Go latela gwa tla John Wesley gomme a rera Thwekišo. Ka gona ka go lebaka le la kereke *mo*, ba tla thwi go otologa morago gape go Kolobetšo ya Moya wo Mokgethwa gape, ka maswao a go swana le matete, a etla thwi tlase. *Mo* ke mo e ilego ntle go kgabola mengwaga ye makgolo a lesometlhano ya Mabaka a Leswiswi. Gomme mo ke moo leswiswiswi... goba sekgao sa kereke se seteleletele re bile naso ka go mabaka a kereke. Nako ye *mo* ke mo e thomago go tla godimo, Tokafatšo, Thwekišo, Kolobetšo ya Moya wo Mokgethwa. Gomme Beibele e boletše gore, “Mafelelong a lebaka *le*, gore bonnyane bjo bo sego nene mo bo tla pitlelwa fase gobane kereke ya go swana ya Pentecostal e tla thoma go dira dilo tša go swana ba di thomilego morago *mo*, Banikolaite.” (O Modimo a nke ke tswalele molomo wa ka go fihla ke fihla go yeo.) Le a bona? Se ke kgonago go se bona kua. Le a bona, go fihla le kgona go bona mo. Gomme ke tla le bontšha gore motseta go lebaka le la kereke o tla hloya dikereke tša maina. Moya o tla tsogela godimo ka go bana. O bile ka mehla. Gomme bjale re ne...

²³ Bjale, ge le ka hlokomela ye, ka fao E bileygo e kgolo mo, e ile ntle, gomme mafelelong e E kgameletše ntentle yohle. Ka gona E thoma morago. Luther o E gogetše morago, Tokafatšo; Thwekišo; Kolobetšo ya Moya wo Mokgethwa; gomme ka gona thwi nakong ya mafelelo, o E kgameletše thwi fase, go fihla Ye e nyakile go fela go felelela, go no ba ye nnyane ya ntathana ye nnyannyanne fao, gomme ke mo a gogetše gore “Ge A ka be a se a kgaotša mošomo boripana bakeng sa Bakgethiwa, go ka se be nama ye e phologago.” Le a bona? Ke lena fao, thwi nakong ya mafelelo nako. Bjale beang seo ka monaganong.

²⁴ Bjale re ya go thoma ka Lebaka le la Kereke ya Simirina. Sa pele ke nyaka go le kgaola fase mo godimo ga lephepha tsoko le ke—le ke le swerego. Bjale, lebaka la bobedi la kereke e lego Simirina, gomme ke a dumela bohole le tla dumelana le nna (goba ke a holofela le a dira, goba tselaseripa, go le bjalo) gore Irenaeus e be e le naledi ya lebaka leo la kereke. O be a le motseta wa Modimo gobane o swietše naga, go ya ka Fora (Gaul), go

theogela ka mo, gomme o hlomile dikereke, gomme ye nngwe le ye nngwe ya tšona e hlomilwe godimo ga kolobetšo ya Moya wo Mokgethwa, go bolela ka maleme, go tsoša bahu, go fodiša balwetši, go emiša dipula, le go dira mehlolo tšatši ka tšatši. Ba tsebile gore Modimo wa go phela o be a phela magareng ga batho. Yoo e be e le monna wa Modimo, gobane Jesu o rile, “Ga go motho a ka kgonago go dira . . .” Goba, ba—ba batho ba rile, “Ga go motho a ka kgonago go dira mediro ye ntle le ge Modimo a na le yena.” E bile Nikodemo a boditšege Jesu seo.

²⁵ Bjale, toropokgolo ya kgwebo; mosela wa papatšo go ya Lydia le go ya bodikela. Toropokgolo ya boraro ye kgolokgolo ka Asia, toropokgolo ya boemakepe. Ya go tsebalega ka lehumo, ditempele, meago, dikolo, dihlare le saense. Bajuda ba be ba phela ka—ka Simirina, gomme ba ile ba dira boebangedi go batho ba Simirina. Polycarp a be a le pišopo wa mathomo wa Simirina. Polycarp le bahlanka ba bangwe ba go botega ba hlomile tumelo ya go teba ya Modimo ka go Masimirina a go dumela. Botate ba pelepele ba kereke ba be ba efa tlhohleletšo ya Thereso go Simirina.

²⁶ Lebaka la kereke la Simirina, leina la kereke e be e le Simirina, *Simirina*, a ke re, leo le ra “kgalako,” mira. Le amanywa le lehu, gobane ba be ba ehwa.

²⁷ Kereke ya go hlomarwa, Modimo o ba biditše “bahlomarwa.” Modimo o lebeletše godimo ga ditlhomaro tša bona, gomme a ba mogau go erwala. O lebeletše godimo ga tlaišego ya bona, gomme a fa phenyo godimo ga lehu. O lebeletše godimo ga bohloki bja bona, gomme a fa mahumo ka go Yena. Kereke ya Simirina e fetile go kgabola leuba la mollo wa ditlaišego, eupša, e be e le monko wa go nkga bose go Yena. Ao ke Mašalela ale bjale, e sego kereke ka moka ya Simirina; e no ba Mašalela ke bolelagoo ka wona. *Tlaišego ya matšatši a lesome* ye kgolo e ra “tlaišego ya mengwaga ye lesome ya kgaphamadi kudukudu.”

²⁸ Ga ke tsebe ge e ba ke tla kgona go peleta leina le, goba go le bitša, goba aowa. Yo e be e le mmušiši ka nako yeo, ke a dumela e bile wa kgaphamadi kudukudu go bona bohole ge e sa le go tloga ka Nero 67, D-i-o-c-l-e-t-i-a-n. Nakong ya ngwaga wa 303 go fihla 312 A.D.

²⁹ Modimo o hlohleletša Simirina go botega go iša lehung, bjalo ka ge A bile, “Gomme Ke tla go fa mphaphahlogo wa Bophelo, bjalo ka ge Tate a Mphile.” Modimo o tshepišitše mofenyi (ka ditlaišegong) phenyo godimo ga lehu la bobedi, “O se ke wa boifa bona ba ba bolayago mmele, eupša Yo a kgonago go fediša soulo, goba, a bolaya soulo.” Ke . . . Simirina e be e swanetse go kgotlelela go fihla bofelong, “Le ke la boifa batho, gomme mphaphahlogo wa Bophelo o tla fiwa lena.” Tlhomaro ya Bokriste ka go mabaka e kaiwa ka mabaka a kereke, a Simirina,

a bohlokwa kudu. Re tla nyaka go fihla go yona feela ka go nthathana ye nnyane, Morena ge a rata.

³⁰ Bjale, ge ba bangwe ba lena ba foša tše dingwe tša tše mola... ge ke di ngwala ka lebelo gannyane bakeng sa klase ka moka, gona re tla... re... ka nnete le ka kgona go di hwetša go rena nako e ka ba efe o nyakago, re tla thaba go—go le fa tšona. (Ntshwareleng.)

³¹ Bjale go tema ya 2 le temana ya 8, re a thoma bošegong bjo. Bjale, re Mo tlogetše go eng bošegong bja go feta? O be ka kgonthe... a hloile Bonikolaite. A ke nnete? Bjale Modimo o dira eng? Ke eng re swanetšego go ka be re e hweditše ntle pele? Kutollo ya Jesu Kriste, Yena ke Mang gomme Yena ke eng. Bjale selo sa go latela se segolo, re a hwetša gore O hloile e ka ba eng ye e ka beago e ka ba eng go buša godimo ga Kereke ya Gagwe ka ntle ga Gagwe. Ke Yena Modimo wa lehufa.

³² Ke rata bjang go ema, gobane re sa tšo hwetša ditemana tše nne moo, go no tsopola se sengwe se sennyane. Ke ba bakae ba kgonago go elelwā ge moprefeta wa go loka, Samuele, ge Israele yohle e be e nyaka go itshwara boka lefase ka moka? A le elelwā seo? Gomme moprefeta o ba boditše, o rile, "Le phošo!" Eupša ba be ba nyaka go itshwara boka Bafilisita, le boka ka—ka ka moka ga bona. Gabotse, seo ke tlwa se se diregilego ka go lebaka lona le la kereke la mathomo. Go a makatša gore batho ga ba nyake Modimo a ba etapele. Ba nyaka go latela... ba nyaka monna tsoko. Israele, e dirile phošo ye kgolokgolo e kilego ya e dira, ge... Mogau o be o šetše o ba file moprefeta, moetapele, o ba file kwana bjalo ka poelano, le go ba fa dijо go tšwa magodimong, le dilo tšohle tše botse tše mogau o bego o ba file tšona, gomme go le bjalo, ka go Ekisodo19, ba nyakile molao. Ba nyakile go dira dingaka tša bokgethwa, le go ba le banna tsoko, ba nyakile go ba le se sengwe go se dira ka go Wona, le bona.

³³ Motho ka mehla o leka go phala yena Mohlodi yo a mo dirilego, gomme ga a dire selo eupša go ipolaya yenamong. Bjalo ka ge Malamorena a se makae a go feta ke rerile ka bo—bo *Bodumedi bja Motswako*. Gomme yeo ke tlwa. Ge o tswaka e ka ba eng, e ka se tsoge ya kgona... e paletšwe! E fedile, e ka se boe morago gape. Mmoula o ka se tsoge wa tswala morago le go ba le mmoula wo mongwe, gobane ke—ke mmoula, ke motswako. Lehea le lekaone, o ka se tšweletše lehea le lekaone go tšwa go lehea la motswako. Ebile le ka se ke... Le ka no tla godimo, eupša le—le, oo, ga se la loka le gatee. O ka se kgone go e dira. Eng kapa eng e lego motswako ga se ya loka.

³⁴ Gomme bodumedi bja motswako ga se bja loka! Ge feela o leka go oketša se sengwe go se Modimo a se boletšego, goba go dira se sengwe se Modimo a sa nyakego o se dira, ke bodumedi bja motswako. Bo ka no lebega bo le botse. Oo, lehea la motswako le tla phala lebele la tlhago. Mmoula wa kgale o tla šoma go feta

dipere. Gabotse, yeo . . . Ga se go šoma, ngwanešu, ke mogau wo re phološwago ka wona. “Ga re phološwe ka mediro, eupša ka mogau.” Kafao seo se ka . . . ke a holofela ga le nagane ditshwao tše . . . Le—le dutše ka tlase ga ngangego, gomme ke—ke e kwa godimo mo. Le a bona? Gobane go ne Presbyterian, Methodist, le mehuta yohle ka mo. Re tseba seo. Gomme kafao ke—ke a e kwa. Gomme o swanetše go ikhutšiša wenamong ga nnyane gatee mo lebakaneng, o hlohlore yeo, boka.

³⁵ Bjale, theetšang. Eng kapa eng e lego motswako ga se ya loka. O swanetše go tšea ya setlogo, ka tsela ye Modimo a e dirilego, gona o na le se sengwe se e lego sa kgonthe.

³⁶ Bjale, re a hwetša gona gore kereke ye ya Israele, ge ba be ba feta, Modimo o ba fepile, le go ba hlokomela, le go ba direla se sengwe le se sengwe. Gomme mafelelong ba lebeletše mošola go Bafilisita, le Baamoro, le ba . . . le bona ba go fapano, gomme ba rile, “Re nyaka kgoši! Ba ne se sengwe re se nago naso.”

³⁷ Seo ke selo sa go swana batho ba se dirago lehono. Yo mongwe wa ba, dikgaetšedi tša rena, o tla lebelela godimo thelebišeneng le go bona Gloria Swanson, goba e ka ba mang ba . . . ba bangwe ba bona basadi ba apere mohuta wo o itšego wa roko, gomme ba no se kgone go e kgotlelela go fihla ba hwetša e tee. Le a bona? Le bona basadi ba bangwe tlase toropong, “Oo, a ga se morategi?” O reng o tshwenyega ka se a tla se aparago? Batho, ba no ba ka tsela yeo, ke rile ke letšatši la—la kekišo, yo mongwe o nyaka go ekiša yo mongwe. O tšea . . . Go na le boElvis Presley ba bantsi bjale, ke—ke a go botša, o ka se kgone go ba pakela ka dikoloing tša mapokisi, gobane o ba motsebalegi ka go ya nama phenkg— . . . dikekišo!

³⁸ Re na le selo sa go swana ka go bodumedi. His . . . Ke be ke bala histori ya Martin Luther, le e ka ba mang wa lena borahistori bjale. Ba rile e be e se selo sa sephiri gore Luther o kgonne go ngangabala kgahlanong le kereke ya Katoliki gomme a feta ka yona, eupša sephiri se segologolo, gore o kgonne go swara hlogo ya gagwe ka godimo ga bohlanya bjohle bjo bo latetšego tsošeletšo ya gagwe gomme a sa no dula le Lentšu. Woo ke mohlolo, ka moo Modimo a mmolokilego go hlaka le go otloga.

³⁹ Bjale, kafao ba tlie go Samuele yo. Ba rile, “Re direle mopr— . . . goba re direle kgo—kgo kgoši.” Gomme Morena o mmoditše gore O ganne kgopolole yeo, feela tlwa se A se gannego mo ka mokgatlo.

⁴⁰ Feela boka A ganne yeo, O ganne mekgatlo. Ga A gane sephedi, eupša mokgatlo. Sephedi, re na le seo. Eupša mokgatlo ga ra swanela go ba le wona, gobane o thala bommangolwane: “Ke rena *Semangmang*.” A o Mokriste? “Ke nna Momethodist.” A o Mokriste? “Ke nna Mobaptist.” Seo ga se re kudu go feta

kolobe ka okong. Seo ga se ne selo go dira le Lona, e sego le gatee. Mokriste!

⁴¹ Ke botšišitše mosetsana bošego bjo bongwe, sefaleng, “A o Mokriste?”

O rile, “Gobaneng, ke tla go fa o kwešiše, ke tshuma kerese bošego bjo bongwe le bjo bongwe.” Boka o ka re yeo e be e na le e ka ba eng go dira le Bokriste!

⁴² Monna yo mongwe o rile, “Gabotse, ke nna Moamerika. Nnete!” Gabotse, seo ga se ne selo go dira le Bjona, e sego selo. O Mokriste gobane o wa Mmušo wo mongwe. Yeo ke nnete. Gomme o—o ka go Mmušo wo mongwe, ka godimo.

⁴³ Bjale, Samuele o dirile eng? Feela selo sa go swana Modimo a se dirilego mo. Samuele o biditše Israele mmogo, o rile, “Bjale, ntheetšeng. Ke nyaka go le botšiša se sengwe. A go kile gwa ba nako ye nngwe yeo ke ilego ka le botša e ba ba eng se e bego e se therešo?” O rile, “Ke—ke nna moprofeta wa Modimo magareng ga lena. Mpotseng nako e tee nkilego ka le botša e ka ba eng Leineng la Morena e sego ya tla go phethega.” Seo ke se Samuele a se boletsego go bona. O rile, “Gomme a Modimo ga se a le fepa le go le hlokomela le go dira dilo tše tšohle?” O rile, “Le dira sebe ka go leka go itshwara boka ditšhaba tše dingwe.”

“Oo . . .” ba boletše.

⁴⁴ O rile, “Ke nyaka go le botšiša se sengwe gape. A nkile ka tšeа tšelete e ka ba efe go tšwa go lena? A nkile ka le kgopela moneelo? Goba a nkile ka le botša eng Leineng la Morena ye e sego ya tla go phethega?”

Ba rile, “Aowa. Ga se wa ke wa tsoge wa tšeа tšelete ya rena, yeo ke therešo. Gomme ga se wa tsoge wa re botša e ka ba eng Leineng la Morena yeo e sego ya tla go phethega.”

O rile, “Gona nkeweng! Le dira sebe ka go leka go itshwara boka ka moka ga bona.” Eupša ba be ba nyaka kgoši go le bjalo! Go sa kgathale ge eba e be e nepagetše goba phošo, ba—ba be ba nyaka go phethagatša kgopolu ya bona.

⁴⁵ Seo ke selo sa go swana kereke e se dirilego thwi mo ka Efeso, ba tšere thuto ya Bonikolaite. Gomme ge ba dirile, e ba kgoromeleditše thwi ka gare go fetola bohetene le Bokriste mmogo gomme e hlotše mengwaga ye makgolo a lesometlhano ya Mabaka a Leswiswi. Gomme ge Luther a ba gogetše ntle, ge (tikologo ya bobedi) Malutheran ga se ba dira selo sa go swana ba se dirilego morago ka Efeso! Tlwa.

⁴⁶ Bjale, ge le ka hlokomela, dihlomakerese di be di se tša dula thwi ka mokgwa *woo*. Ba thomile fase ka tsela *ye* le go tla godimo. Gabotse, ya godimodimo go tloga moo A bego a eme e be e le e tee ye godimo *mo*. Gomme Bokriste ka go iketla bo kgameletšwe ntle ge bo tlologile go tšwa mo A bego a eme ka sebopego sa sefapano, bjalo ka ge re tla Mmona ka go tema ya 4;

ka sebopego sa sefapano ka mokgwa *wo*. Gomme *se* ke seatla sa Gagwe se setona, *sela* e be e le seatla sa Gagwe sa nngele. Bjale, thwi *mo*, O bile le seatla sa Gagwe godimo ga kereke *ye* le godimo ga *yela* kereke. O be a le bobedi Alefa le Omega le, nnete, ohle a be a le gare ga a mabedi, maletere a mangwe ohle. Gomme ka go ikgetha O rile, “Alefa le Omega.” O be a ne molalatladi godimo ga hlogo ya Gagwe, e bego e le kgwerano ya Gagwe.

⁴⁷ Bjale, ge le ka hlokomela, seetša sa Pentecost, moo se thomilego, ka go iketla se kgamelelwa ntle. Banna ba, Irenaeus, Polycarp, bohole ka moka ga bona ba tswaletše bopaki bja bona ka madi a bona, go fihla mafelelong e pitlela Bokriste ka go matšatši a leswiswi.

⁴⁸ Bjale lebelelang, lebaka la mathomo lehlakoreng lela la mototolo wo mogolo, go tla godimo go be go le Seetša se sennyane sa nthathana, Seetša se sentši, morago Seetša se sentši. Le bona ka fao se thomago go phadima gape, go tla godimo go letšatši lela. Gomme bjale mafelelong a lebaka *le*, go akanyeditšwepele mo gore se tla tla go *Laodikia*, ye “bolelo.” Bjale, šele lona. Gobaneng, ge selo *se* mo se ba tlišitše go *se*, gobaneng re ka nyaka seo fase mo ka Pentecost?

⁴⁹ Gomme le a tseba Beibele e rile, “Go tla ba sebata.” Gomme re a tseba seo ke bopapa bja Roma. Yeo ke mnnete tlwa. Gomme ka gona ba tla bopa seswantšho sa sebata seo. Seswantšho ke eng? Se sengwe sa go dirwa go swana le sona. Gomme yeo ke kopano ya dikereke, gomme Pentecost e ka gare ga yona. Go tla tla nako mo e bago gore o wa mokgatlo goba o ka se be le mojako wa gago o bulegile. Bjale le a bona ge yeo e se therešo! Ke ka baka leo re e rothothago go iša lehung. Ee, mohlomphegi. Ga le kgone . . . Fasana ga fao, ba tla leka go e hlaba gampe bjalo, go fihla ba leka go . . . se ka se go dumelele go reka goba go rekiša ntle le ge o na le leswao lela la mokgatlo godimo ga gago. Le e tliša thwi ka gare.

⁵⁰ Feela tlwa boka letšatši lela, ba ba tshumile, bona . . . Ke eme kua ka go arena yela; ka lla boka lesea ge ke be ke lebelatše godimo kua moo badiragatši ba bego ba tla dula ka go arena yela ya kgale fao. Gomme—le go bona dilo, le go tseba gore ba bantši ba baena ba ka ba Bakriste ba jelwe ke ditau le—le go kgeretlanywa diripana lebatong fao, le basadi le bana ba bannyane le dilo. Gomme ke a nagana, ge bohole ba ile fase ka tumelo, a nka ba iša fase bjale? Aowa, mohlomphegi, ngwanešu! Modimo, anke ke emele Tumelo ye e filwego bakgethwa gatee! Selo sela sa go swana, go sa kgathale go se tume bjang . . .

⁵¹ Yo mongwe ka mehla a nyakile go re, “Gabotse, . . .” Yo mongwe o boletše e sego telele go fetile . . . Oo! Ke badiredi ba bagolo ba bakae tšhemong ba nteleditšego le go re, “Ngwanešu Branham, ge o sa emiše seo, mokgatlo o mongwe le o mongwe o tla ba kgahlanong le wena.”

⁵² “Gobaneng,” Ke rile, “go ne yo Motee yo a ka se bego, yoo ke yo Motee yo a lego Legodimong. Yoo ke yo Motee ke mo lebeletšego.” Le a bona? Bjale, ke rata batho ka go mokgatlo o mongwe le o mongwe. Nnete. Eupša a nkile ka le botša e ka ba eng yeo Morena . . . Leineng la Morena, e sego ya phethega? Le a bona? A se sengwe le se sengwe se boletšwe le go dirwa gabotse? A nkile ka le kgopela tšhelete? Gona tšwang ka mekgatlong! Le dula mahala ka go Kriste, la dumelela Moya wo Mokgethwa go sepelela ka gare le ka ntle ga kereke.

⁵³ Selo se nnoši se tshwenyago, tlošang diphapano tše nnyane tše tšohle go lena. Diism tše nnyane, le maikutlo a mannyane a go se tlwaelege go go dikologa bakeng sa baena ba gago, le dilo boka tše, a hlohlore! Se dumele modu wa kgalako wa tsoge wa tsena ka soulong ya gago. Ge o dira, o tla go ja. Nnete. Boloka lerato! Ga ke tshwenyege batho ba go hloya gakaakang, wena ba rate go le bjalo. Ge o sa kgone go dira seo, o hloka . . . se . . . ga se wa . . . ga se wa tswalelewwa, o na le lefelo la go hlepha gabjale. Kafao etla pele, pele morago gomme o be le leo le tswalelwwe thwi gabotse ka Madi a Jesu. A tla go hlwekiša go tloga go medu yohle ya kgalako. Ee.

⁵⁴ Bjale, bonang, eupša re leka gape. Tšhegofatšo ya Pentecostal e wele e ka ba 1906, felotsoko ka fao. Go na le modiredi o dutše le rena bošegong bjo, moromiwa go tšwa Tibet, yo mongwa wa ba baka . . . ga ke e bolele gobane ke bogona bja gagwe; ke a holofela ga se a ya gae. Ke a nagan o sa le mo, o be a eya go bolela bakeng sa rena gannyane pele ke etla tlase. Gomme monna yola o elelwa mathomo a Pentecost. Go be go se mokgatlo e ka ba ofe, yo mongwe le yo mongwe o be a hlakanetše dilo. Oo, go bonolo bjang go tsea kgato ya go fošagala fao, gomme e lebega botse bjang go sehlalefi.

⁵⁵ Lebelelang, bonnyane Israele e be e sa tsebe ge ba be ba eme ntle kua lešing, ba goelela . . . Bjale, o re, “Mohuta wo wa bodumedi ke se sengwe se seswa.” Gobaneng, ke bja kgalekgale bo lego gona. Nnete. Ebile le pele lefase le ka tsoge la dirwa, ba be ba gowa ba tumiša Modimo. Modimo o boletše bjalo, a botšiša Jobo, “O be o le kae ge di—ge dinaledi tša moso di opela mmogo, gomme barwa ba Modimo ba goelela ka lethabo.” Moo ke pele lefase le ka tsoge la hlolwa.

⁵⁶ Eupša bjale lebelelang Israele, e bone mehlolo. Yeo ke Pentecost ya pelepele; Israele, Pentecost ya letšatši lela. Bjale ba be ba ntšhitšwe ka Egepeta, Modimo o be a ba šegofaditše, a ba fa mehuta yohle ya maswao a magolo le matete, le go ba lokolla. Gomme ge ba be ba eme godimo ga leši lela gomme ba bile le kopano ya Pentecostal . . . Ba dirile! Bjale theetšang. Moshe o opetše ka Moya, gomme Miriamo o tšere thamporine gomme a kitima go theoga leši, a itia thamporine, a bina ka Moya; gomme barwedi ba Israele ba mo latela, ba bina ka Moya. Ge e be e se kopano ya Pentecostal, ga se ka tsoge ka bona e tee.

Bonnyane ba be ba sa dumele gore na—na naga ya tshepišo e be e le mengwaga ye masomenne pele ga bona. E be e le feela e ka ba dimaele tše masomenne. Eupša go be go tla ba tsea mengwaga ye masomenne go fetša dimaele tše masomenne ke ka gobane ba kgethile selo sa phošo. Ba kgethile go ba le molao go na le go dumelala Moya wo Mokgethwa go ba etapele, Pilara ya Mollo go ba tsea go kgabola le go ba etapele. Ba nyakile go ba le se sengwe go se dira bonabeng, ba nyakile go ba le baprista ba ba itšego, le bahlomphegi ba ba itšego, le thutamodimo ye nnyane ba ka kgonago go bakišana ka yona, go na le gore ba no ya pele le go dumelala Moya wo Mokgethwa go ba etapele. Ba be ba le Moyeng; Modimo o be a ba file se sengwe le se sengwe, eupša ba ile ba swanelo go ba le se sengwe go se dira ka go Wona.

⁵⁷ Go no swana le go tswaka gape. Tlogelang kgomotshadi e nnoši. Tlogelang pere e nnoši. Tlogelang dijo di nnoši. Ba... Saense e tteleimile, ka go *Reader's Digest*, athekele ya yona, ge ba tšwelapele ba tswaka dijo, batho ba di ja... Boka dikgogo, ba na le kgogo yela ya go šokiša go fihla e se ne diphego goba maoto. Gomme ge e beela, e ipeela yonamong go hwa, di kgona go phela ngwaga feela. Gomme thišu e boletakudu o ka se kgone le go e ja. Gomme batho ba a e eja, e fapoša batho. Yeo ke nnnete.

⁵⁸ Le a tseba, bohomoseke bo oketšega e ka ba ka diphesente tše masomenne ka United States, godimo ga ngwaga wa go feta. Gomme a le be le tseba gore saense e tteleima gore basadi ba ba bophaphathi magetleng a bona le go sesefala matheka, gomme banna ba sesefala magetleng a bona le go ba bophaphathi mathekeng? Le ja peu ye e fapošitšwego, le ja dilo tše di fapošitšwego. Mmele wa gago o diretšwe go šoma gabotse ka selo sa tlhago. Gomme e dira eng? E fetola ebile le tshepelo ya tlhago ya banna le basadi, go fihla Hollywood, ebile le mmušo wa rena, le se sengwe le se sengwese se tletše diphaphogo. O dira eng? Ba e tliša godimo ga bonabeng ka mohlare wa bonabeng wa tsebo, ba ipolaya bonabeng.

⁵⁹ Boelang morago mathomong! Tlogelang tlhago e nnoši. Tlogelang Modimo a nnoši. Bolokang Kereke ka go Moya wo Mokgethwa; gomme le ye kgole go tloga go dipišopo le bomopapa le mehuta yohle ya thuto. Boelang morago mo le thomilego. Boelang morago. Jesu ge a ka tla bošegong, o tla re, “Ke nna Momethodist.”

O be a tla re, “Go be go se bjalo go tloga mathomong!”

“Ke nna Mopresbyterian.”

“Go be go se bjalo go tloga mathomong!” Go be go le eng mathomong? Boitemogelo bja Pentecostal bja kolobetšo ya Moya wo Mokgethwa. Yeo ke tsela ye E thomilego.

⁶⁰ Eupša, le a bona, re ile ra swanelo go e fapoša. Oo, e e dira e botsebotse. Nnete. Kereke ye nnyane yela e emego mola e bina, le go gowa; gomme tlase mokgotheng, gomme ba ba betša ka

maswika, ba dira metlae ka bona, le se sengwe le se sengwe ka mokgwa woo. Yeo e be e se botse. “Eupša bjale re na le Thetho ye kgolo, le Thutotumelo ya Baapostola, gomme, oo, Ngaka Ph.D., L.L. ba babedi L.D., *Semangmang* go ba modiša wa rena.” Gomme le go tla ntle le go re, “Aa-mane,” boka namane ka dikerempe, le dilo boka tše, yohle mehuta yeo ya dilo.

⁶¹ Ntshwareleng, ke—ke be ke sa re go bolela seo. Ntebaleleng, ke be ke sa re go bolela seo ka mokgwa woo. Le a bona? Ke be ke sa re seo. Seo ga sa swanela mohlanka wa Modimo.

⁶² Eupša, lebelelang, bona bohole, ke... e nno tla godimo ga monaganong wa ka, le a bona. Eupša o a ema le go itlwaetša tšona tšohle dilo tša go fapano ka mokgwa woo, go itlwaetša pele... le a tseba, o re, “Bjale, aowa, ga o bolele yeo gabotse. ‘Aa-mane.’” Ke rata ye botse, ya kgale kopano ya Pentecostal moo maatla a Modimo a wago, gomme le no goelela le go gowa le go tumiša Modimo, le ne nako ye kgolo. Yeo ke tsela; Moya o swere batho. Eupša re... O ka se kwe “Amene!” le gatee gape, ke “Aa-mane.” Go le bjalo, moo ke mo re yago, le a bona. Mekgatlo ye e thata, boikgogomošo...

⁶³ Bjale a bokg... A go bile seprofeto mabapi le seo? Le elelwa seprofeto sa Paulo bošego bja go feta? “Ka a tseba gore ka morago ga go tloga ga ka, diphiri tše šoro di tla tsena magareng ga lena, gomme banna ba legoro la lena, ya lena... thwi ka go kereke ya lena (bona Kereke ya Katoliki ya Roma, e etla godimo) ba tla tsoga godimo le go goga barutiwa ka morago ga bona.” Gomme diphiri tša Paulo, re a hwetša, e ba Banikolaite.

⁶⁴ Theetsang Moya o bolela ka moprefeta gape, “Ka matšatsing a mafelelo go tla dinako tše thata, gobane batho e tla ba go ithata bona beng, (‘Ke nna Ngaka *Semangmang*, o se ke wa mpotša selo ka Yona, bjale. Ke tla go fa o kwešiše ke nna Mopresbyterian. Haleluya!’ Goba, ‘Ke nna Mopentecostal.’).” Seo se dira phapano efe, ge o se Mopentecostal ka tlhago? Boitemogelo bja yona, le a bona. Ee, mohlomphegi. “Ke nna wa Assemblies.” “Ke nna wa Church of God.” Gabotse seo... se dira phapano efe go Modimo? O swanetše go ba wa Mmušo godimo kua, le a bona. Yeo ke nnete.

⁶⁵ Bjale, ge—ge o bona, se... dilo tšohle tše e no ba tlhakanantswiki ya—ya mosepelo. Bjale, E rile, “Ba tla ba hlogothata, menagano ya godimo, barata maipshino go feta barata Modimo.” Oo, ga ba kgone go ya kerekeng ka Lamorena bošego ge fela go le lenaneo tsoko le lebotse le kgatlampana thelebišeneng. Oo, nna! Ka mehla ba... Ebile le dikereke di na le dihlopha tša kgwele, le dilalelo tša sopo, le diphathi tša khirikhete, le, “barata maipshino go feta barata Modimo, babatasekgoro, baphari, bahlokamaitschwaro, le banyatši ba bao ba lokilego.” *Ba ba nyatša bao*, le a bona. *Ba ba nyatša bao*, ba ba betela. Banyatši ba bao *ba lokilego*.

⁶⁶ Oo, le re, “Ke Makomonisi, ngwanešu.” Oo, aowa. Aowa, aowa.

⁶⁷ “Hlogothata, menagano ya godimo, barata maipshino go feta barata Modimo, babatasekgoro, baphari, bahlokamaitshwaro, banyatši ba bao ba lokilego, ba na le *sebolepego* . . .” Boitemogelo bja kereke ya leina, le a bona. “Ba ne sebolepego sa bomodimo, eupša ba gana Maatla a bjona.”

⁶⁸ O ka ba eng ka letšatšing le? Le a bona, “Ba ne sebolepego sa bomodimo.” Ba ya kerekeng feela bokgethwa ka mo ba kgonago go ba, ka la Morena, le apara dišothi ka Lamorena morago ga sekgalela, la sega jarata le go ba le Oertel ya 92 ntle. Gomme modiša o tšwela ntle gomme o kgoga sekerete gomme o tla morago, le a tseba. “Go ba le sebolepego sa bomodimo!”

⁶⁹ “Gabotse, modiša, ba na le kereke godimo kua, ba mpotša gore mohumagadi o fodišitšwe letšatši le lengwe go tšwa go kank- . . .”

“Mmm. Mmm. Ditšiebadimo! Matšatši mehlolo a fetile.”

⁷⁰ “Gabotse, o a tseba ke eng? Ke—ke—ke be ke le godimo kerekeng ye nnyane bošego bjo bongwe, boromiwa bjo bonnyane bjola tlase khoneng, gomme go be go le yo mongwe o tlide godimo kua, a bolela se sengwe, beb- . . .”

“Oo, hani, o se tsoge wa ba tikologong ya se se bjalo. Tšeо ke dimpša tša go gafa. Nna! O se tsoge wa ralokela go dikologa seo. Bao ke bapshikologibakgethwa. O se tsoge . . .”

⁷¹ “Ba na le sebolepego sa bomodimo gomme ba gana maatla a bjona, tloga go ba ba bjalo. Gobane wo ke mohuta wo o tlogago ntlong go ya ntlong ba goga basadi ba go se hlalefe ba go išwa ke dikganyogo tša go fapano, ba go se tsoge ba ithuta goba ba tsoge ba tla tsebong ya Therešo.” Yeo ke therešo tlwa. Ke lena fao, bahumagadi ba sosaete ya thušo, *ye* sosaete, *yela*. Kereke ya go šokiša e na le disosaete tše ntši mo ebilego e se sa kgonago go rera Ebangedi gape. Modiša ga a kgone go ba le eupša metsotsø ye masomepedi, gomme o swanetše go bolela ka se sengwe gape nako yeo. Le a bona? Ge ba sa dire, poto ya matikone e tla kopana le yena. Ee, mohlomphegi.

⁷² Oo, ngwanešu, modiša wa go loka o swanelo go dira eng lehono? Go no dira bokaone a kgonago go ema le go ripa matsogo mo ba nyakago, le go dira ditshetla di wele ka gare mo di nyakago; le go se retha ntle kua. Yeo ke phetho. Ee, mohlomphegi. Yeo ke nnene. O se—o se setše motho, e no rera Lentšu gomme o dule thwi le Lona, e no le rebethela go ya pele. Ge ba go lahlela ka kgolegong, Le rere ka kgolegong. Ge o bewa e ka ba kae gape, rera kae kapa kae o yago; e no tšwelapele o eya, o rera. Yeo ke nnene. Bjale, seo ke se se diregilego. Le a bona, ba a le kgamelela.

⁷³ Bjale re tla go le—le Lebaka la Simirina. Temana ya 8:

... go morongwa wa kereke ya Simirina ngwala; Dilo tše go bolela wa mathomo le mafelelo, yo a bego a hwile, gomme o a phela;

⁷⁴ Ke le nyaka le hlokomele nako ye nngwe le ye nngwe ge A itsebiša Yenamong go lebaka la kereke, O bea pele se sengwe sa Bomodimo bja Gagwe. Seo ke selo sa mathomo A lekago go se dira go tsebja go kereke, gore, bjoo ke Bomodimo bja Gagwe. Yena ka Modimo! Le bona taba ye kgolo morago mo ye Irenaeus le bona baa bego ba ngangana ka yona? Ba be ba leka go bolela gore Modimo ke dibopego tše tharo, gomme ke Modimo ka go batho ba bararo, gomme Modimo ka go *se*. O rile, “Ga go selo se sebjalo! Ke dithaetlele tša Sephedi setee, gomme yoo ke Ramaatlakamoka Modimo.” Yeo ke nnete. Kafao ga o...ka mehla ba bile le seo. Gomme Modimo mo mathomong o itsebiša Yenamong go bjo bongwe bja Gagwe—a Gagwe Mabomodimo. Le a bona O a itsebiša Yenamong, pele godimo mo, “Ke nna Yo a bego a le gona, a le go gona, gomme a tlago. Gomme Ke nna Ramaatlakamoka.” Mo O thoma thwi go tloga le Lebaka la Simirina bjale.

⁷⁵ Bjale Mo theetšeng, “Nna...”

... go morongwa wa kereke ya Simirina... (Gomme re dumela yoo go ba Irenaeus.) ... ngwala; Dilo tše go bolela wa mathomo le mafelelo, ...

Le a bona? O itsebišitše Yenamong, “Ke nna Modimo, bjale, wa lebaka le la kereke. Nna ga ke nyake badimo ba bane goba ba bahlano ba go fapana tikologong mo. Ke—Ke nna Modimo. Le a bona, yeo ke yona.”

... yo a bego a hwile, o a phela; (Amene!)

⁷⁶ Bjale, ao ke ma—ma matseno. Bjale—bjale *Simirina e ra “kgalako,”* gomme e tšwa go lentšu la mira—mira. Gomme ke—ke kereke ya mathomo—kereke ya mathomo, gomme...e lahlegetšwe ke lerato la bona la pele, kereke ya Efeso. Gomme kereke ye e thomile go ba le “modu wa kgalako” o etla godimo ka go bona gobane gore kereke ye, kereke kgolo, karolo ye kgolo (bontši bja bona, ka mehla) ba be ba rebetha kgahlanong le Moya wo Mokgethwa go buša ka kerekeng, gomme ba be ba nyaka go buša, bonabeng. Ba be ba nyaka go hloma boprista, ba be ba nyaka go dira ka mokgwa wo batho ba Testamente ya Kgale ba dirilego. Ba be ba nyaka baprista. Gomme ba... Ge badimo ba bahetene, morago kua, moo ba sokologilego, ba bile le baprista le go ya pele...ba Jupitere, le baprista ba Venus, le go ya pele; ba—ba—ba nyaka go ba tliša ka go selo sa go swana go dira banna *ba*. Le a bona, selo ka moka ke bohetene sa mathomo. Bahetene bohole ba ne baprista bao le dilo boka tše. Eupša—eupša Kereke ya Modimo wa go phela, ke lethoko go bona. Kriste ke Moprista wa rena, Moprista Mogolo wa rena. Re na le Moprista Mogolo, tafola gape ye re jelago go yona.

⁷⁷ Bjale, kereke ye e thomile go hloga “modu wa kgalako.” Gobaneng? O be o galaka go bao ba nyakago go tšwelapele le Moya wo Mokgethwa. Lerato le be le nyamaletše, gomme ba be ba leka go le fetolanya le dithutotumelo le dikereke tša maina, go ya kgole go tloga go boetapele bja Moya wo Mokgethwa. Nagana ka seo! Ke baka leo kga—kga—kga kgalako e bego e le ka go bona. Go lokile.

⁷⁸ Bjale, kereke ya mathomo, ye...kgalako e thomile go khukhunela ka gare. Kereke ya bobedi, kutšwana gannyane. Gomme, mafelelong, e khukhunetše thwi ka gare gobane ba be ba “dira kereke ye kaonekaone”; ba naganne ba be ba dira. Thwi mo ba bile le se sengwe sa seriti, batho ba bagolo ba Roma ba kgonne go tla ka gare. Gobaneng? Ba bile le mopapa, ba bile—ba bile le banna ba bagolo, dikhadinale, le go ya pele. Ba be ba apara bokaone. Ba ile kgole go tloga go lešata lohle le se sengwe le se sengwe ba bilego le sona; setu kudu. Go laeditše ba be ba ehwa. Uh-huh. Uh-huh. Ba be ba ehwa. Gomme kafao ba bile ba seriti gomme ba dirile mmele wo mokaone. Selo sa mathomo godimo mo, ba bile le selo ka moka ka go kereke ya leina ye kgolo ya bohlale, kereke ya Roma Lefasepharephare, Kereke ya Katoliki ya Roma ka go Lebaka la Leswiswi. Gabotse, ka gona, ba bile le bahlomphegi, gomme ba bile le legoro.

⁷⁹ Oo, e be e le ye botsebotse go feta ge ba be ba ema ntle mokgotheng, “gomme ba swanela go sepela ka matlalo a dinku bjalo ka matlalo a dipudi, gomme ba tšwelwe le go segwa go phaphologana, le go—le go segwa, le go dirwa metlae,” gomme bjalo ka ge Paulo a boletše ka go Bahebere tema ya 11.

⁸⁰ Gobaneng, ye kgole ye, ye tona, kereke ya go apara gabotse, ya go apara dikhethetše tša ka fase, le—le dilo tše dingwe tše ba di aparago ka mokgwa woo. Nnete, e bonala e ne sereti, “Tate, Moruti, Ngaka, Tate *Semangmang*.” Oo, nna! Ba be ba kgona go bea ya kgonthe “mpša,” fao.

⁸¹ Eupša, le a bona, e be e le selo sa motswako. Motswako! Le a bona, e be e se ne Bophelo ka go yona. Gomme ga ba kgone go boela morago gape, ke ka baka leo ga se ba tsoge ba tsoga. Tsošeletše ya Luther ga se ya tsoge ya tsogela godimo gape. Tsošeletše ya Wesley ga se ya tsoge ya tsogela godimo gape. Tsošeletše ya Nazarene ga se ya tsogela godimo gape. Ebile le tsošeletše ya Pentecostal ga se ya tsogela godimo gape. Gobaneng? Gobane le e bolaile. Le e tswaka le lefase, ka kgopolو ya Bonikolaite, go se dumelele Moya wo Mokgethwa go ba le tsela ya Wona. Yeo ke mnene. Le tswaka kereke, gomme ga e kgone go itswala yonamong morago gape. Ge o tswadiša morago, o hwetša Mamethodist a mantši; Mabaptist a tswala morago, a hwetša Mabaptist a mantši; Katoliki e tswala morago, e hwetša Katoliki ye ntši; o hwetša selo sa go swana o se phaphašago go tšwa tsebeng. Eupša anke ke le botše se sengwe; ge Moya wo Mokgethwa o etla morago, O tliša tswalo ye *mpsha* le Bophelo

bjo *boswa*; phetogo. Kolobetšo ya Moya; e tliša Kereke morago go yonamong gape, e bea Bophelo morago ka go yona.

⁸² Lehea la motswako ga le ne bophelo ka go lona. Bophelo bjolego, bo no ba bo monnwe. Bjale, re hwetša seo ka go Lebaka lela la Leswiswi fao, “Bonnyane bjo o nago nabjo, swarelala go bjona,” O boletše. Ba bo pitletše ntle bjhople. Bjale, eupša bo ka se itšwelešsegape bijonamong gape. Bjale, bo . . .

⁸³ Eupša Mmele wa Jesu Kriste ga se—ga se mokgatlo. Mmele wa Jesu Kriste ke Mmele wa sephiri, ke Mmele wa . . . ka Mmušong wo e lego Mmušo wa semoya wo o beilwego lefaseng ke Jesu Kriste e lego Kgoši ya Mmušo wo, Moprista Mogolo go neela dihlabelo bakeng sa basepedi ka go Mmušo wo. Yena ke Mopropfeta (Lentšu) yo a rerago Therešo le go tliša Seetša sa Modimo ka go Mmušo wo; gomme Yena ke bobedi Mopropfeta, Moprista, le Kgoši, ka Mmušong wo. Gomme re tsena bjang ka Mmušong wo? ka kereke ya leina? ka lengwalo? ka go šikinya seatla? Eupša “ka Moya o tee bohole re kolobeletšwa ka Mmeleng o tee” e lego Mmele wa sephiri wa Jesu Kriste, gomme re kolobeletšwa ka fao, e sego ka meetse, e sego ka go fafatša, e sego ka go golobelela, e sego ka mohuta e ka ba ofe wa kolobetšo ya meetse, eupša “ka Moya wo motee, Moya wo Mokgethwa, bohole re kolobeletšwa ka Mmeleng o tee,” Bakorinthe ba Pele 12. Ee, re kolobeletšwa ka Mmeleng wo ka Moya o motee, Moya wo Mokgethwa, ka gona ga se rena ba e ka eng eupša Kriste. Le ba Kriste. Ke Mmušo wa Modimo wa sephiri wo o beakantšwego, wo re tlago ka go Wona ka kolobetšo ya Moya wo Mokgethwa. Ke rata Yeo! Mmm!

Go na le batho e ka ba kae le kae,
Dipelo tša bona tšohle di a lauma
Ka mollo wo o welego ka Pentecost,
Wa go ba hlwekiša le go ba dira ba hlweke;
Oo, o a swa bjale ka pelong ya ka,
Oo, letago go Leina la Gagwe!
Ke thabile bjang gore ke kgona go re ke nna yo
mongwe wa bona.

Ke nna yo mongwe wa bona, ke nna yo mongwe
wa bona,
Ke thabile bjang gore ke kgona gore ke nna yo
mongwe wa bona, Haleluya!
Yo mongwe wa bona, ke nna yo mongwe wa
bona,
Bjale ke thabile gore ke kgona gore ke nna yo
mongwe wa bona.

Le ge batho ba ba ka no be ba se ba ithuta go
ba, (D.D.D. Ph.D. Le a bona.) . . . ba ka no ba
ba se ba ithuta go ba,

Goba go ikgantšha ka botsebalegi bja lefase,
 Bona bohle ba amogetše Pentecost ya bona,
 Ba kolobeditšwe ka Leina la Jesu;
 Gomme ba a botša bjale, bobedi ba kgole le
 bopapetla,
 maatla a Gagwe le bjale a sa swana,
 Ke thabile bjang gore ke kgona go re ke nna yo
 mongwe wa bona.

A ga se wa thaba? Ee, mohlomphegi. Go no ba yo mongwe wa bona. Seo ke phetho.

⁸⁴ Ke elelwa ke sepela go theoga go kgabola Memphis, yo monnyane yola, wa motšofe mohumagadi wa lekhalate ka hlogo ya gagwe a itshamile godimo kua. O rile, “Moso wo mobotse, moruti.”

Ke rile, “Otsebile bjang ke be ke le moruti?”

O rile, “Morena o mpoditše, ‘moruti wa Gagwe o be a etla go theoga mokgotha, a apere kefa ya lephepha, a swere sutukheisi.’” O rile, “Ke tsebile o be o le yena ge ke go bone o etla.” Le a bona? Oo, o be a le yo mongwe wa bona. Yeo ke nnet! Oo, kafao Modimo a lokilego!

⁸⁵ Bjale ke a dumela se sengwe . . . [Ngwanešu Branham o bala noute yeo a e filwego—Mor.] “Mosetsana yo monnyane o mo—mo rapeletšego, Lamorana bošego, go tšwa Bedford, o bonala a sa tšo hwa. Se se ka se kgone . . . Hle eba le thapelo.” Mosetsana yo monnyane yo re . . . ba rapetše mo bakeng sa gagwe Lamorena bošego, go tšwa Bedford, “o—o sa tšo hwa,” ba boletsé. A re beng le thapelo:

⁸⁶ Morena Jesu, ke a rapela gore ka mokgwa wo mongwe, tsela ye nngwe, Morena, anke dithapelo tša rena di ye go kgabola bakeng sa ngwana yola. Re gafela selo se sennyane go Wena, Tate Modimo wa rena. Gomme re nagana ka batho bao ba bego ba le mo gomme ba rapela le go kgopela thapelo bakeng sa mosetsana yo monnyane yola. O Tate Modimo, ke a kgopela gore—gore pego e ke e se be bjalo, Tate; ga re tsebe, eupša ke a rapela gore O tla ba le mogau le go fa maatla le go dumelela selo se sennyane go tsošwa le go phela bakeng sa letago la Modimo. Ka Leina la Jesu Kriste re a e kgopela. Amene. Anke Morena Jesu a oketše ditšegofatšo tša Gagwe.

⁸⁷ Bjale, kereke. Bjale, leina la kereke le amana le tlhago ya semelo sa yona. A le lemogile *Simirina* e ra “go galaka”? Gomme le a lemoga ye nngwe le ye nngwe ya kereke bjale, ke leina la kereke le na le sengwe go dira le semelo sa kereke. Nka kgona go bolela se sengwe mo; eupša bokaone a ke se ke, gobane le tla nkewla thoko. Le a bona?

⁸⁸ Leina la gago le a dira, le lona. O ka no ba o sa le tsebe, eupša le a dira. Oo, ee. O re bjale, “Ke dipalopalo.” Aowa, ga se tšona. Ge Jakobo a tswalwa ba mmiditše *Jakobo* e bego e le “mofori;”

eupša ge a katane le Morongwa, Modimo o fetotše leina la gagwe go ya go *Israele*, “mokgoma.” A yeo ke nnete? Saulo e be e le “Saulo wa Tareso,” moisa yo mobe; eupša, ge a etla go Jesu, o ile a bitšwa “Paulo.” Leina la Simone e be e le “Simone”, eupša ge a etla go Jesu, o ile a bitšwa *Petro*, “letlapa le lennyane.” Oo, ee, mohlomphegi. Le... Leina la gago le amanya se o lego sona... Ke tlhagišo godimo ga semelo.

⁸⁹ Gomme kereke ye e be e bitšwa Simirina gobane e be e ehwa. *Simirina* e ra “kgalako.” Ka mantšu a mangwe, modu wa kgalako o be o etla godimo o e kgama, e be e le tseleng ya yona ntle go ya go mira. Ke woo ba tlotšago mebele ka wona, mira, le a bona. E be e le mira, diorelo, bjalo ka setlolo. Mira o be o dirišwa go—go tlotša mebele ya go hwa morago ga ge ba ba manegile, le go ya pele. O bapetšwa le lehu, gomme kereke e be e ehwa.

⁹⁰ Gomme, oo, a ga le kgone go bona, lehono, bagwera, mosepelo wo mogolo wa Pentecostal wo o bilego le Bophelo mengwaga e se mekae ya go feta, a ga le kgone go bona e tloditšwe bjale ka mira? Le a bona? Setlolo sa go swana se bego se le ka kerekeng *mo* se tlide go kgokologela fase le go tlotša ye fase *mo*; e hwago gobane ba boela morago go mašela a kereke, le go apoleng kobo ya bona ye tšhweu, bakgethwa. Batho ba bannyane ba ba emego ntle mo, le Moya wo Mokgethwa wa mmapale, ba boletše ka maleme, le go bonagatša Modimo. Gomme, ngwanešu, ba be ba botega bjalo ka le, “wulu yohle le jarata ka bophara.” Ba—ba be ba le ba mmapale ka go felela, o be o ka kgona go ba tshepa kae kapa kae. Bjale ga o tsebe o tshepe eng le go tshepa mang. Le a bona? Moo go se sengwe se diregile. Se sengwe se diregile. Ke eng? Ba tloditšwe ka mira, wa kgalako. Ba phagamela godimo. Ye tee...

⁹¹ Ke eng e e hlotšego? E tee e tla ka gare, go bile ke—ke kereke e bitšwa, ya mathomo, e be e le Khansele Kakaretšo. Morago ba e biditše Assemblies of God. Go tšwa go Assemblies of God gwa tla Church of God. Go tšwa go Church of God, morago ba thoma go lebelela go kgabaganya, ba re, “Le Assemblies.” Ye nngwe e re, “Le Church of God.” Ka gona go tšwa go yeo gwa tla United Pentecostal Church of God, mo tabeng. Gomme ka gona, selo sa mathomo le a tseba, go na le go amogela Seetša le go sepela ka go Sona, gabaneng, ba ikgatlofadirša bonabeng go fihla ba se sa kgona go amogela Seetša.

⁹² Bjale, ge ko—ko kolobetšo Leineng la “Jesu Kriste” e tlišwa pele sebakeng sa “Tate, Morwa, le Moya wo Mokgethwa” go Assemblies of God, ba be ba šetše ba ikgwapareditše bona beng kafao ga se ba kgone go e fetola. Gomme ba tsebile E be e le Therešo! Ke hlohla e ka ba mang wa bona go ntaetša gore Yona ga se nnete ka Beibele. Ke Therešo go felela. Eupša ba ka kgona go dira eng? Ba ka se kgone go e dira. Le a bona, ba tla roba thutotumelo ya bona, ba ka se kgone.

⁹³ Morago Maoneness ba dirile eng? Go na le gore ba E amogele gomme ba ye pele, ba ile ba tšhikalala: “Šegofatšang Modimo go ya go ile! Re na le Seetša, gomme ga le naso. Ke rena mo . . .” Ba ile ba dira eng? Ba e kgatlofaditše. O ka se kgone go kgatlofatša Modimo. Modimo ebile ga a ne sebopego, Beibele e boletše. Aowa, ga se gona se fefomale ka Modimo.

⁹⁴ Bjale, nako yeo Assemblies e lekile go Mo kgatlofatša le go ba dira . . . ya bona . . . ya bona ke—ke—ke Kereke ya kgonthé. Gomme ka gona Maoneness ba tla mmogo, ba leka go kgatlofatša ya bona, gomme ba “bile le Seetša se sentši.” Kafao ba dirile eng? Ba e thunthreditše ntle ka ya bona beng ya bobapu, tsela ya kgalako ba ilego ka yona. Go na le gore ba e needle ntle ka letswai le bobose, ba lekile go se kopanele le ye nngwe, go se dire le yena. Gomme seo ke se se e dirilego. E swietše go ya pele, nako yeo. Selo sa pele le a tseba, go tlide ye nngwe godimo, ba bile le *ye*, gomme bjale ba ngwathega. Yo mongwe o rile, “O tla godimo ga pere ye tšhweu.” Yo mongwe o re, “O tla godimo ga lero le lešweu. Šegofatša Modimo, ke tla ithomela mokgatlo godimo mo.” Le bona ka tsela ye ba e dirago? E phatlalatša mira—mira. E dirile eng? Tswaleletše bongwanešu.

⁹⁵ Basadi ba bantši, monna, bošegong bjo, ka go Assemblies of God, ba ka rata go tla go kolobetšwa Leineng la Jesu Kriste, ka go tseba gore Ke Therešo ya Modimo. Ba tla kgaolwa ge ba e dirile.

⁹⁶ Gomme Maoneness a mantši a . . . Bjale, ga ke Mooneness. Ga ke dumele ka go “botee” ka tsela ye ba dirago. Ga ke dumele go *Jesu* ka mokgwa wo ba tla e bolelagoo, “*Jesu*”; go ne bojesu ba bantši. Ke *Morena Jesu Kriste*. Yeo ke nnene. Bjale, gomme ga ke . . . ke dumela yeo go fapano le se ba se dirago. Ba kolobetša leineng la Jesu, leineng la Jesu bakeng sa tswaloleswa, gore “Go kolobetšwa (tswaloleswa) e tliša Kriste ka gare go wena bakeng sa kolobetšo ya meetse.” Ga ke dumele seo. Ke a dumela tswaloleswa e tla ka Madi a Jesu Kriste ka Moya wo Mokgethwaa. Yeo ke nnene. Kolobetšo ke tiro feela ya ka ntle go mošomo wa ka gare wa tswaloleswa ye e dirilwego. Le a bona? Kafao, ga ke dumelane le yeo. Yeo e lokile, eupša bohole ke baena ba ka.

⁹⁷ Ge la mathomo ke thomile bjalo ka moreri wa Baptist, ba tlide go dikologa ba re, “Ngwanešu Branham, o tlide godimo mo, re—re—rena le Wona gomme re O rwaletše godimo mo.”

⁹⁸ Ke rile, “Ga go le yo motee wa lena, ke ema thwi gare ga dihlopha tše pedi le go re, ‘Re banešu!’” Ga ke tshwenyeye eng, ga ke tshwenyeye ge motho a sa dumelane, seo ga se dire tshetlana ya phapano go nna, o sa no ba ngwanešu.

⁹⁹ Ke na le ngwanešu yo a ratago phae ya apola; ke rata ya tšheri bokaonekaone, eupša ga ke ye go gosekopanele le yena. A ka ja phae ya apola ya gagwe gomme ka ja phae ya ka ya tšheri. Gomme a nka bea *mothobe* godimo ga ya ka, ge a sa e nyake, gobaneng, a ka ba le yona. Le tseba woo . . . Ke eng? Selo

sa go huduiwa ba se bea godimo ga yona, le a tseba, “lebebe la go huduiwa.” Ke a e rata. Go tšofaleng bjale go e ja, eupša ke... Eupša ke—ke—ke... Yeo ke ye ke e ratago. Ge a sa e rate, ga a swanela go e ja. Yeo ke nnete yohle, ke tla ja ya ka. Eupša o sa le ngwanešu! Yeo ke nnete.

¹⁰⁰ Gomme kafao ke—ke rata yeo, ke rata kopanelo. Eupša ge re thala bommangolwane ka mokgwa wo, le go re, “Aowa, ye ke kereke *ya rena ya leina*,” le go se obeletše le go šikinya diatla le motho wa go latela, gomme wa re, “Šegofatša Modimo, ngwanešu!” Nna! Moo ke ge o bitša kopanelo. Ge o sa dire, o ba le modu wola wa kgalako feela boka Basimirina ba bile le wona morago kua, gomme o hlola selo sa go swana. Go lokile, kafao leina la bona e bile “kgalako.”

¹⁰¹ Banikolaite ba tšwetšepele ba ba kgamelela go fihla Mabaka a Leswiswi. Lebaka la Luther le tlišitše kgato ya pele ya mogau, Seetša se sennyane sa thoma go phadima. Morago go tlie pele morago ga seo, go tlie John Wesley ka tlhwekišo, go gola go ya godimodimo gannyane. Gomme morago go tlie kolobetšo ya Moya wo Mokgethwa le Mapentecostal, e tliša morago gape tumelo ya botate. Eupša ga se ba kgona go e boloka ka tsela yeo, kafao ba ile ba swanela go e kgatlofatša, gomme ka gona ba thomile thwi morago ka go Bonikolaite gape. Feel a tlwa se Beibele e rilego ba be ba tla se dira.

¹⁰² Bjale, ke swanetše go šetša mo goba ke tla e tšea... nako ye ntši e e tsere. A re yeng go temana ya 2, goba te... yeo etla ba 8, temana ya 9. Go lokile, bjale tlhomaro, ya 9 temana:

Ke tseba mediro ya gago, ditlaišego tša gago,... bohloki, (eupša o humile)... (Oo, nna!)... Ke... (Bjale O bolela le Kereke bjale, Kereke ya kgonthe, e sego ba bangwe; ba hloile ditiro tše Banikolaite.) ... Ke tseba maroga a bona ba ba rego ke bona Bajuda, gomme ga se bona, eupša ke bona sinagoge ya Sathane.

¹⁰³ Bjale, ba be ba belaela. Ba be ba rathilwe ke bohloki. Se... Ba be ba tsere tšohle ba bego ba na le tšona. Ba be ba agile kereke ya bona ye nnyane boka ye, le go beng gore ba be ba le sehlopha se sennyane sa nthathana, ba be ba ba kgoromeleditše ntle, kereke ye kgolo e be e, nno ba kgamelela ntle. Gomme Le rile, “Ke a tseba. Ke a tseba le swanetše go kopana tlase khoneng, le kopana ka mokgobeng, goba e ka ba kae gape le kgonago.” (Gomme ke bile ka mabitleng a ka fase mo ba bego ba swanetše go kopana; go ya tlase ka fase ga mobu le go kopana, le dilo fao.) “Ke tseba ditlaišego tša gago, gomme Ke tseba mathata a gago, le go ya pele ka mokgwa woo, eupša o dirilwe mohumi ka ditlaišego tše.” Oo, nna! Mpotseng nako e ka ba efe ge tlaišego e etla godimo ga Kereke, e a E tiiša. Ka mehla e tiiša Kereke, ka ditlaišegong. “Ke tseba ditlaišego tša gago, eupša o humile.” Gobaneng? “O

swareletše godimo ga Ka; o humile. Eupša ditlaišego tša gago ga di go hlokofatše.”

¹⁰⁴ Bjale, se . . . A le hlokometše? Banikolaite ba ikhweleeditše sinagoge ya bonabeng bjale. Beibele e boletše bjalo mo. A le e hlokometše mo ka go ya 9 temana?

Moo . . . bao . . . ga se bona, eupša ke bona senagogue ya Sathane.

¹⁰⁵ Uh-huh, Kereke ya therešo e kgoromeleeditšwe ntle. Banikolaite ba tšere taolo, gomme ba . . . ba kgoromeleeditše ntle batho ba ba nago le Moya wo Mokgethwa, kafao ka gona ba—ba be ba se ne mohola le bona. Ge Simirina, ka Asia, ge feela ba ka be ba tsebile gore dilo . . . mefaphahlogo yela ya mohwelatumelo e ka be e emetše bona, ba ka be ba ile ba šikinyega. Le a bona? Bjale, ka mantšu a mangwe, se . . . ge seprofeto se se ngwadilwe gomme se rometšwe tlase, gomme kereke ya se swara, gomme ba bone ba be ba le bona ba yago go rwala mphaphahlogo wa mohwelatumelo, gobaneng, ba be ba tla . . . gobaneng, e be e tla ba tšoša go iša lehung. Ba be ba o lebeletše nako e ka ba efe. Ga se wa tla ka go lebaka la bona. Ka gona mohlomongwe bangwe ba bona ba rile, “Gabotse, le a tseba—le a tseba, ke a le botša, moperfeta yola o be a le phošo. Johane o be a le phošo, o—o . . . gobane ga se ya direga go rena mo ka Simirina.” Gobaneng, e be e swanetše go ba mengwaga ye lekgolo moragorago. Le a bona? Eupša ge Modimo a bolela e ka ba eng, e swanetše go direga.

¹⁰⁶ Moo ke mo re nweletšago tumelo ya rena, thwi fao Lentšung la Modimo. Modimo o boloka tshepišo ye nngwe le ye nngwe. Ga go kgathale . . . Le ka no nagana e swanetše e direge thwi mo, eupša mohlomongwe ga se nako ya Modimo bakeng sa yona go direga. “Eupša Lentšu la Ka le ka se boeles go Nna le le fela, eupša Le tla phethagatša seo Le bego le se beetšwe.” Modimo ka mehla o tla hlompha Lentšu la Gagwe, gomme ka nako ya Lona Mong ya maleba Le tla buna.

¹⁰⁷ Kafao batho ba e bile bona, kereke ya mathomo, eupša ka kerekeng yeo go be go le semelo se se bego se tla tšwela ntle ka kerekeng ya Simirina moragorago. Bjale, nako yeo ba be ba swanela go rwala mphaphahlogo wa mohwelatumelo, bontši bja bona ba be ba swanetše go bolawa.

¹⁰⁸ Bjale a re tšeeng te—te temana ya 10, ge re bala ye:

Se boifeng le e tee ya dilo tše (sinagogue ya Sathane) tše le tla tlaišegago ka tšona: bonang, diabolo o tla lahlela . . . lena ka kgolegong, gore le lekwe; le gore le tla ba le tlaišego matšatši a lesome: botegang go iša lehung, gomme ke tla le fa mphaphahlogo wa bophelo.

¹⁰⁹ Oo, nn! Ba boditšwe go se boife ge ba be ba biletšwa go hwela bja bona—bja bona bodumedi. Bjale, Kgaetšedi Wood, kae kapa kae o lego, ke a holofela se se a go thuša. Kgaetšedi Wood o be a

mpotša, letšatši le lengwe, o be a sa kgone go kwešiša le gatee gobane gore ba bangwe ba tla kgona go hlakodišwa mola ba bangwe ba ka se ke. Dinako tše dingwe o swanetše go tseba... Modimo o boditše batho ba, “Bjale, le se ke la boifa ka yona, gobane Sathane o ya go le lahlela ka kua, gobane gore seaparo se sa Bonikolaite se se tlago se le kgoromeletša ka gare, ke ka gobane Ke ya go le dira le hwe bakeng sa Ka. Eupša Ke tla le fa mphaphahlogó wa Bophelo ka letšatši leo.” Kafao le se ke...

¹¹⁰ Bjale šetšang, O rile... Bjale, ge le ka hlokomela ge re bala temana ye ya lesome. A ke E bale godimo gape:

O se boife le setee sa dilo tše o tla tlaišegago ka tšona: bonang, diabolo o tla lahlela ba bangwe ba lena kgolegong, gore le ke le lekwe; gomme le tla ba le tlaišego ya matšatši a lesome: eupša o botega go iša... (A le lemogile gore ga se go fihla? E sego go fihla lehung, eupša “go iša” lehung. Le a e hwetša?) ... wena botega go iša lehung, ... (Le a bona? Gomme ba dirile.)

¹¹¹ Bjale O rile, Sathane... A le lemogile yo A—yo A mo hlaotšego bjalo ka yo a bego e dira? Bjale, *sinagoge ye ya Sathane* e be e le “Banikolaite.” Re tseba seo. A e be e se yona? Gona e be e le mokgatlo, boprista bjo bo bego bo tsoga bjo bo bego bo tla dira batho ba gore ba tlaišege, bo bego bo tla dira batho ba gore ba tlaišege, gomme ba be ba swanetše go botegela Ebangedi go iša lehung. A le lemogile ka go modiro wa lenyalo? e sego go fihla lehu le re aroganya, eupša “go iša lehung re a arogana.” Le a bona? Bjale, go iša le go fihla go a fapania. Bjale, ba be ba swanetše go botegela Kriste go iša lehung. “Eya thwi pele go theogela lehung le yona. O se boife, gobane Ke tla go fa mphaphahlogó.”

¹¹² Bjale “matšatši a lesome” a ba bolelago ka wona mo, matšatši a lesome. Letšatši ka Beibeleng le emela ngwaga. Gomme *matšatši a lesome* e bile “mengwaga ye lesome” ya mafelelo ya pušo ya yo D-i-o-c-l-e-a-t-i-o-n, Diocletian. Diocletian, yoo e be e le mmušiši yo mogolo yola yo a bušitšego ka mafelelo... Gabotse, go na le babušiši ba mmalwa ba bušitšego lebakeng la Lebaka la Kereke ya Efeso. Gomme Nero, ke a dumela, e bile yo mongwe. Gomme Diocletian yo mo e bile wa mafelelo yo a bušitšego, ka go mengwaga ye lesome ya mafelelo, gomme o be a le mohlolmari wa kgaphamadi kudukudu go bona bohole. O ile a no tsea lehlakore le sehlopha se gomme ba—ba bolaile Bakriste, le go ba bolaya, ba ba tshumile, ba—ba dirile se sengwe le se sengwe, gomme e bile mengwaga ye lesome ya tlhomaro ya kgaphamadi kudukudu. Gomme nako ya gagwe le pušo ya gagwe e bile go tloga 302 go fihla 312. Seo se feditše Lebaka la Simirina ka go goroša Constatine ka gare. Gomme o tlie ka gare ka 312, Constantine o dirile. Ao e bile matšatši a lesome a ditlaišege. Gomme e thomile ka Nero gomme ya felela

ka Diocletian. Gomme e thomile ka Nero, e bile ka e ka ba A.D. 64 ge Nero a tšere terone.

¹¹³ Bjale, temana ya 11 ke tshepišo. Bjale re tla ba le ye pele ga go tswalela:

Yo a nago le tsebe, a a kwe se Moya o se botšago dikereke; Yo a fenyago a ka se hlokoſatšwe ke lehu la bobedi.

¹¹⁴ Bjale, ke swanetše go bolela se sengwe mo, gore go tle go . . . Ge ke se nagana, gomme pelo ya ka, gomme ke sa se bolele, gona ke nna moikaketši. Le a bona? Ke le nyaka le hlokomele se sengwe mo ka Lengwalong le, gomme ke nagana e be e le a mangwe a mararankodi a magologolo go nna botelele kudu go fihla ke hwetša ntle. Bjale a re baleng yeo sekgauswi ka kgonthé, bjale. Le a bona?

Yo a nago le tsebe . . . (Ka mantšu a mangwe, “a nago le tsebe go kwa”; le a bona, ke go “bulega go Moya.”) . . . a a kwe se Moya o se botšago dikereke; . . .

Bjale bonang, selo se sa go swana, tlhomaro ye le se sengwe le se sengwe e a tla. Karolo ye nngwe le nngwe ya yona e lepelleta ka go kereke ye nngwe le nngwe. *Dikereke.*

. . . Moya o re go dikereke; Yo a fenyago . . . (Ka go kereke efe? ya Baefeso? Ya. Go lokile. Simirina? Ya, tšona tšohle.) . . . Yo a fenyago ka go dikereke tšohle a ka se hlokoſatšwe ke lehu la bobedi.

¹¹⁵ Yo ka go kereke ya Laodikia a fenyago eng? A fenyago Banikolaite, a fenyago dilo tša lefase, a fenyago dikereke tše tša maina, a fenyago boprista bjo, a fenyago se sengwe le se sengwe sa lefase le go rekiša, le go rata Kriste. O ka se hlokoſatšwe ke lehu la bobedi. Gobaneng? O na le Bophelo bjo Bosafelego. Bophelo bjo Bosafelego ga bo kgone go hwa. Jesu o rile, “Yo a kwago go tšwa go Nna o ne Bophelo bjo Bosafelego, a ka se tsoge a hwa. Ke tla mo tsoša ka letſatši la mafelelo.”

¹¹⁶ Bjale, bjale, fao . . . Bjale, le ya go . . . Go ba ba bantši ba gananago le se, eupša ke le nyaka le nagane ka thata ka kgonthé pele o dira sephetho sa gago. Le a bona? Ke ya go bolela se sengwe bjale:

¹¹⁷ Ke ka lebaka le ke sa dumelago gore go na le hele ya Gosafelego. Go ka se kgone go ba hele ya Gosafelego. Gobane ge go ka tsoge gwa ba hele ya Gosafelego, gona ka mehla fao go bile hele ya Gosafelego, gobane ke ya Gosafelego . . . Go na le sebopego setee feela sa Bophelo bjo Bosafelego, gomme bjoo ke bjona re bo katanelago. Gomme ge o eya go swa go ya go ile le ka Gosafelego, gona o tla swanela go ba le Bophelo bjo Bosafelego o eswa, gona e tla ba Modimo a eswa. O ka se kgone go ba le hele ya ka Gosafelego, gomme Beibele molaleng e bolela gore “hele e hlotšwe.” Gomme ge e hlotšwe, ga se ya Gosafelego. Eng

kapa eng ye e lego ya ka Gosafelego ga se ya tsoge ya hlolwa; e bile gona ka mehla, ke ya ka Gosafelego. Gomme Beibele e bolela gore “Hele e hloletšwe diabolo le barongwa ba gagwe.” Hele e hlotšwe, ga se ya ka Gosafelego. Gomme ga ke dumele gore motho o tla otlwa ka Gosafelego.

¹¹⁸ Ke a dumele gore Beibele e bolela molaleng mo, gore, “Yo a fenyago a ka se hlokokatšwe ke lehu la bobedi.” Bjale “lehu.” Lentšu *lehu* le tšwa go ka . . . ke se, ke “karogano.” Bjale, ge re arogane go tloga go Modimo, ka sebeng, re šetše re hwile; Beibele e boletše bjalo. Re fedišitšwe go tloga go Modimo, re kgaotšwe, re hwetše ka sebeng le dikarogong; re bašele go Modimo le go lefa la mehleng la Gagwe. Gomme ka gona ge re amogela Modimo le go ba le Bophelo bjo Bosafelego, re bana ba Gagwe le karolo ya Gagwe.

¹¹⁹ Mošemanе yo monnyane wa ka kua, Joseph, ke karolo ya ka, ga go kgathale se ke . . . a ka tsogego a se dira. Yena . . . Nka no . . . A ka no se be le . . . Ge ke be ke le monna yo mogolo wa mohumi le go ba le bohwa bjo bontši, a ka no, yena ebile ke mongbohwa bja le ge e ka ba eng; eupša o sa no ba morwa, ke karolo ya ka. Nnete, ke karolo ya ka. Bjale, nka se kgone go mo gana gape go feta go gana nnamong, gobane ke karolo ya ka. Teko ya madi e tla laetša gore ke wa ka. Le a bona?

¹²⁰ Gomme teko ya Madi e laetša ge eba o wa Modimo goba aowa. Le a bona? Le bana ba Modimo gomme le na le Bophelo bjo Bosafelego. Eupša soulo ye e dirago sebe, *soulo* yeo e tla aroganywa. A yeo ke nnete? Gona e ka se sa ba gona. Bjale lebelelang. Se sengwe le se sengwe seo se bilego le mathomo se ne mafelelo, gobane se sengwe le se sengwe se se bilego le mathomo ke tlholo. Eupša Modimo ga se a hlolwa, ka mehla O be a le Modimo. Ga go lefelo mo A hlotšwego. Gomme tsela e nnoši re ka tsogego ra ba le Bophelo bjo Bosafelego ke go ba karolo ya tlholo. Letago! Oo, ge re ka kgona go E bona! Go bona se Moya wo Mokgethwa o go direlago sona? Ke Moya wo Mokgethwa, Mohlodi Yenamong, Modimo Tate ka sebopego sa Moya, a bitšwa “Moya wo Mokgethwa” gobane O be o le godimo ga mmele wo o bitšwago Jesu, Moya wa Gagwe; yo O hlotše Jesu, mmele, ka lebaka leo O ile wa swanela go hwa. Modimo o be a dula ka go nama ye ya motho, gomme sele ya madi ya thubega, gomme Bophelo go tšwa go sele ya madi bo tla morago.

¹²¹ Ke ka baka leo morapedi wa kgale ka go Testamente ya Kgale o be a sa kgone go tloga . . . o tlogile ka kahlolo ya go swana a bilego le yona ge a be a etla. Eupša ka go Testamente ye Mpsha, go boletše Bahebере, gore, “Morapedi ge a hlwekišitšwe gatee ga a sa na le letsvalo la sebe.”

¹²² Bjale, Testamente ya Kgale; ba be ba tliša kwana, o be a e latša fase, a bea diatla tša gagwe godimo ga yona, morapedi; moprista o be a kgaola mogolo, o kwele go tšwa madi, le go kwa

go lla ga yona. Gomme e be e ehwa, gomme a ekwa mmele wa yona wo monnyane o tsetalala, gomme e be e hwile. O be a tseba gore e be e swanetše go ba yena; kwana e tšere lefelo la gagwe. Moprista o be a tšea madi, a a bea godimo ga aletara gomme—gomme muši o eya godimo, gomme e be e le thapelo ya tebalelo go mora- . . . [Lefelo la go se be le selo godimo ga theipi—Mor.] . . . gomme bophelo bjola bja phoofolo bo be bo sa kgone go tla morago godimo ga motho le go dira mawelakgahlano le moywa motho, gobane ke moywa phoofolo. Bophelo bja phoofolo le bophelo bja motho, bo be bo sa kgone go e dira. Eupša ge a . . . Ke ka baka leo a ilego ntłe ka tlhologelo ya go swana ya go dira sebe, selo sa go swana. O tla ka gare bakeng sa go dira bootswa, o neela sehlabelo sa gagwe, gomme o ya morago ntłe selo sa go swana ka monaganong wa gagwe. Yeo ke nnete.

¹²³ Eupša mo ge morapedi . . . Oo, Kereke ya Modimo, le se šitwe go hwetša se! Morapedi, gatee ka therešo o sepelela godimo go Morwa wa Modimo gomme ka tumelo o bea diatla tša gagwe godimo ga Gagwe (Oo, nna!), o lebelela kua sefahlegong sa Gagwe le mare ale a lekeletše ka sefahlegong sa Gagwe, Madi a kitima go theoga sefahlego sa Gagwe, o kwa bohloko bja “Modimo wa Ka! Modimo wa Ka! Gobaneng O Ntlogetše?” Oo, ngwanešu, ge o bona poreise ye e go hwetšego, le Yo E bego e le, Emanuele, Modimo a ehwa lefelong la gago.

¹²⁴ Nako yeo go direga eng? Morapedi nako yeo, ge sele yela ya Madi e be e thubja ka go Morwa wa Modimo . . . Ke eng e dirilego sele yela ya madi?

¹²⁵ Ke wena eng? Wena o sele ye nnyane ye e tšwago go tatago. Mosadi ga a ne hemotlobine. Mo—mo mosadi o tšweletše feela lee; sephaphaši, o swanetše go rwala se—se—se segola. Eupša madi a tšwa monneng, ke ka baka leo ngwa—ngwa ngwana o tšeа leina la tate. Gomme ka gona, eupša, mosadi yo a nyalwago ke monna, o tšeа leina la gagwe, ka baka la bana; o ba sephaphaši sa ngwana yo a tla mmelegelago monna. Eupša boka ke boletše: kgogotshadi e ka kgona go bea lee, eupša ge e se ya ba le nonyana ye tona, le ka se phaphaše.

¹²⁶ Leo ke, ke rile, leo ke lebaka le re nago le tše ntši tša kgale, tša go tonya, dikereke tše female lehono. Di na le kgopoloye ya Bonikolaite, di na le digola di tletše mae a go bola, gomme a ka se tsoge a phaphaši gobane ga a ne . . . O ka kgona go dira e ka ba eng go bona (wa ba bitša dipišopo, matikone, le e ka ba eng yohle), ba ka se tsoge ba dumela go maswao a latela badumedi, gobane ga se ba ke ba tsoge ba ba le Molekani, Jesu Kriste. Ge o kile wa nontšhwa ke Molekani yola wa maatla a Modimo . . .

¹²⁷ Ge sele ya Madi e thubilwe kua godimo ga Khalibari, gomme Bophelo bjola bo bego bo le ka fao, Jehofa wa nthathana . . . Oo, e swanetše go be e ratha!

¹²⁸ Le a tseba, yo mongwe le yo mongwe o nyaka leswao. A ga ba dire? Yo mongwe le yo mongwe o re, “Oo, mpontšhe leswao.” Mojuda o rile, “Mpontšhe leswao.”

¹²⁹ Anke ke go fe leswao. Modimo o go file leswao nako ye nngwe. Ba kgopetše leswao. Baisraele ba kgopetše leswao. O boditše moprofeta, “Ke tla ba fa leswao la goyagoile: kgarebe e tla ima. Kgarebe e tla ima gomme e tla tliša pele Morwa.” (Amene.) “O tla bitšwa *Imanuele*, ‘Modimo o na le rena.’” Leswao le legologolo le le kilego la fiwa.

¹³⁰ Ge Modimo, Mohlodi wa magodimo le lefase, a dirile tshepedišo ya letšatši. Ema ntle kua godimo ga Thaba Palomar gomme o lebelele ka sekoupo sela mošola, gomme o tla kgona go bona mengwaga ye milione tše lekgolo le masomepedi ya sekgala sa seetša. Ripaganya yeo fase ka dimaele, gomme ka mošola wa yeo go sa le ngwedi, le dinaledi, le mafase, gomme Modimo o di dirile tšohle. O nno di budula go tloga diatleng tša Gagwe, ka mokgwa *woo*. Ee!

¹³¹ Gomme Mohlodi yo mogolo yola o bile Mophološi wa ka. O ttile fase go sele ye nnyane ya Madi, e sego ka monna, eupša o ttile kgarebe go mosadi; gomme o tšere modula wo monnyane wo go tšwa go mosadi, gomme a ipopela Yenamong ntlo ye nnyane gomme a dula ka go yona. Oo, e—e—e swanetše go be e ratha! Jehofa! Jehofa, godimo ga mokgobo wa manyora ka šakeng, a lla. Jehofa, ka legopong la mahlaka. Leo ke leswao la ka goyagoile, ba bangwe ba batho ba ba hlogokgolo! Jehofa, Modimo, Lesea le le llago (Haleluya!) ka go setala sa go nkga. Gomme ka gona re nagana re semangmang, o šonyeditše nko godimo; e tla na, e tla go nweletša; gomme o ya go bapa o nagana o semangmang. Gomme Jehofa a robetše ka setaleng, godimo ga mo—mo mokgobo wa manyora, a lla boka le lennyane... lesea le lennyane e ka ba lefe. E swanetše go be e ratha! Leo ke leswao. Modimo o rile, “Ke tla le fa leswao la ka goyagoile.” Leo ke leswao la kgonthe. Jehofa a bapala bjalo ka mošemanne. Jehofa! Jehofa, a šoma ka bošomelong, a sega kota boka mmetli. Haleluya! Nna, oo, nna! Jehofa, a hlapiša maoto a barei ba dihlapi. “Ke tla le fa leswao.”

¹³² “Oo, eupša re swanetše go ba le moruti, le a tseba, ka dipurapura le dithapo tšohle, dikholoro, le...” Le a bona? Oo!

¹³³ “Ke tla le fa leswao la goyagoile.” Jehofa, a eme ka jarateng ya kgorotsheko ka mare godimo ga sefahlego sa Gagwe. Jehofa, a tsapotšwe godimo a hlobotše, ka mmetleng, gare ga magodimo le lefase. O gobosítswé dihlong tša sefapano. Re na le sehlwaseeme sa Gagwe kua ka lešela le lennyane go Mo phothetša; nnete e no ba mmetli a dirilego seo. Ba Mo apotše thososo, ba Mo gobosítše! Oo, sehlopha sela sa baikaketši ge iri yela e etla! Le ke letšatši la motho, letšatši la Morena le a tla. Jehofa! Jehofa, a ehwa, ee, ga se gwa direga selo. Jehofa, a rapela, ga se gwa direga selo.

Mmm. Yeo ke nnete. E swanetše go be e ratha! Leo ke leswao la ka gosafelego. Leo ke leswao le batho bohole ba bego ba tla le tseba. Morago O hwile, Jehofa o hwile. Nako yeo lefase la thoma go šikinyega. Oo, nna!

¹³⁴ Morago O tsogile go tšwa lebitleng gomme a rotogela Godimo. Jehofa, a boa ka sebopego sa Moya wo Mokgethwa go phela ka go Kereke ya Gagwe, magareng ga batho ba Gagwe. Letago! Jehofa, a sepela tlase ka kereke, a hlatha dikgopolo tša monagano. Jehofa, a fodiša balwetši. Jehofa, a bolela ka dipounama go fihla motho a se ne taolo ya yenamong. Jehofa, a etla morago ka Seisimane le go se fetolela. Le nyaka leswao? Amene! Jehofa yola o tlide tlase go mmalegogwana, a mo phagamiša, mo a lego kudu—a lego tlase fase kudu go fihla dimpša di ka se mo lebelele, gomme a mo hlatswa a ba yo mošweu bjalo ka leswele gomme a mo fa pelo ya go sekä bjalo ka lili. Oo, nna! Jehofa, a tšea letagwa le robetše mokgobeng gomme ntšhi e fofa gohle godimo ga molomo wa gagwe, gomme a mo dira a rere Ebangedi . . . ? . . . Madi a Jesu Kriste a a re hlwekiša!

¹³⁵ Ge A be a le lefaseng, O ile go toropokgolo ya fasefase e bego e le gona, le go batho ba fasefase ba bego ba le gona, gomme ba Mo fa leina la fasefase le bego le le gona. Yeo ke nnete. Ba Mo swere gampempe, le go Mmitša ka leina le lebelebe le le ka bitšwago, “Beletsebubu,” diabolo. La fasefase ba kgonnego go Mo fa, motho o Mo file.

¹³⁶ Eupša Modimo o Mo phagamišeditše godimo, gomme O Mo fa Terone godimo kudu go fihla A swanela go lebelela fase go bona Legodimo. Amene! Letago! Le go Mo fa Leina ka godimo ga leina le lengwe le le lengwe le bolelwago Legodimong le lefaseng, gomme lapa lohle Legodimong le lefaseng le bitšwa ka Yena. Seo ke se motho a se nagannego ka Yena; seo ke se Modimo a se nagannego ka Yena. O Modimo, anke dikgopolo tša ka di be boka tša Gago, Tate. Ee, mohlopmphegi. O Leina le bohlokwa!

¹³⁷ Bjale, “Yo a dumelago go Nna o ne Bophelo bjo Bosafelego.” Bjale ge go ne sebopego setee feela sa Bophelo bjo Bosafelego, gomme o a bo hwetša gomme re bo nyaka ka Jesu Kriste, bjoo ke Bophelo bja Modimo. Gona ge sele yela ya Madi e thubja go Morwa wa Modimo, gomme Jehofa yo monnyane yola a bego a tswaleletšwe ka gare ga Monna yo a bitšwago Jesu (ge ka go Yena go dutše botlalo bja Modimohlogo mmeleng), gomme bjale ge re amogela Madi *ao* bakeng sa go tlošwa ga dibe tša rena, Moya wola wo o bego o se go monna, eupša godimo ga Modimo . . . Letago! Beibele e rile, “Madi a Modimo.”

¹³⁸ Yo mongwe o rile, “O a elelwa, Yena . . . O se bolele selo ka Bajuda, gobane O be a le Mojuda.” O be a se Mojuda. O be a se Mojuda le ge e le Montle, O be a le Modimo. Yeo ke nnete. O be a le Madi *ao* a hlotšwego. Modimo o a dirile go itlhaola. A be a le a Gagwe Mong, gomme ka Madi ale a hlotšwego re A amogela bjalo

ka tebalelo ya rena gobane O hwile lehu bakeng sa rena. Sele yela ya Madi e thubilwe, e lokolotše Moya wo Mokgethwa wola go tla morago godimo ga rena, gomme bjale re barwa le barwedi ba Modimo ka tswalo ya Moya. Gona Bophelo bjo e bego e le bja Modimo, bjo bo sego bja ba le mathomo goba ebile bo ka se tsoge bja ba le bofelo, ke bja ka le bja gago ka mogau wa Modimo ka go Jesu Kriste. Ke lena fao.

¹³⁹ Bjale, “hele,” re tla ya morago go yeo lebakana. Ke a le botša gore—gore go ka se kgone go ba . . . Ga ke dumele go hele ye e tshumago. Ee, mohlomphegi, Beibele e bolela bjalo, letsha la mollo. Bjale, eupša leo le ka se kgone go ba la goyago- . . . le ka se kgone go ba la Gosafelego. E ka kgona go ba . . . Beibele ga se ya tsoge ya re ke ya Gosafelego, E re “goyagoile” hele. Ga e bolele lentšu Gosafelego, e re ya “goyagoile” hele. Bjale, e lokišeditšwe diabolo le barongwa ba gagwe; hele ya goyagoile, e sego yona ya Gosafelego. Bjale, morago . . . Soulo yela e ka no tlaišwa kua bakeng sa ditiro tša yona lebaka la dimilione tša mengwaga, bakeng sa sohle ke se tsebago. Ga ke tsebe se *goyagoile* go ka bago sona pele ga Modimo. Go ka no ba metsotso ye mehlano, go ka no ba milione wa mengwaga, e ka no ba milione tše lesome tša mengwaga, eupša go tla tla nako mo soulo yela e tla kgaotšago go ba.

¹⁴⁰ Sese se Beibele e se boletsego, le a bona. Le a bona:

. . . *Yo a fenyago a ka se hlokofatšwe ke lehu la bobedi.*

¹⁴¹ Lehu la pele ke go aragona le baratwa ba rena. Re ya ka Bogeneng bja Modimo, e sego ka ntle ga Bogona bja Gagwe. Le a bona? Bjale, ge eba go lehu la bobedi, gona e swanetše go ba lehu la soulo. Gomme ka gona yo a fenyago lefase, goba a fenyago dilo tša lefase, o na le Bophelo bjo Bosafelego gomme a ka se kgwathwe ke lehu la bobedi. Ke lena fao, Bophelo bjo Bosafelego. Eupša mo—mo modiradibe . . . Beibele e rile, “Mosadi yo a phelago ka maipshinong o hwile le ge a sa phela.” A ke nnete? “Soulo ye e dirago sebe, ka nnete e tla hwa.” Go *hwa* ke eng? Go “aroganya,” mo go feletšegomoka “ga go sa le gape.” Le a bona? Bjale, ke go kgaolwa, ke nnete. Ke go kgaolwa, ga go sa le go ba ga yona gape. Go tla ba botelele bjo bokae go tšea yeo? E tla ya fase go kgabola tirotšhomo ya go swana e tliego ka gare, gomme e tla tla lefelong go fihla moo go ka se bego selo sa yona se šalago. E tla boela morago go e ka ba eng e dirilwego ka yona.

¹⁴² Re tla tšea sele, gomme ra roba sele go ba sele e tee, go ya go sele ye nngwe, go fihla o etla tlase go sele ya mathomo; roba ka go sele yeo, gona o na le khemisteri ya madi; o tla ka go dikhemisteri tša go fapana tša madi, gomme ka gona o tla fase go karolo ye nnyane ka go sele yeo: bjoo ke bophelo. Ga ba kgone go hwetša bjoo. Ga ba tsebe selo ka bjona. Bjale, bophelo bjoo mafelelong bo tla tla go lefelo go fihla bo se sa le gona gape; khemisteri ya

bophelo bjoo e ka ba eng, ga ke dumele e na le khemisteri e itšego. E tla ba semoya.

¹⁴³ Gomme nako yeo, ka go seo, mafelelong e tla arogana ka go felela gomme ya se sa ba gona gape. Seo ke se Beibele e se boletšego, “Soulō ye e dirago sebe, e tla hwa.” “Gomme ba ba fenyago ka go mabaka a a kereke mo ba ka se hlokofatšwe ke lehu la *bobedi*.” Mmele o hwa pele, soulo e hwa go latela gomme e ka se sa ba gona. Le a bona? Yeo . . . a le dumela ke Beibele ye e bolelago seo?

¹⁴⁴ Bjale elelwang, ge hele e le ya Gosafelego, gona Beibele e phošo ge e rile “hele e hlotšwe.” Gomme ka gona ge motho a eya go swa ka Gosafelego, ka heleng, gona o tla swanelo go ba le Bophelo bjo Bosafelego go lemoga, go swa. A yeo ke nnete? Gabotse, go ne dibopego tše kae tša Bophelo bjo Bosafelego fao? Setee. Yeo ke nnete. Bophelo bjo Bosafelego botee feela.

¹⁴⁵ Bjale, le se ke la tloga la re, “Ngwanešu Branham ga a dumele go hele.” Ngwanešu Branham o dumela go hele. Beibele e ruta gore go ne hele. Feela ka nnete bjalo ka ge go le le—le lefelo la bokhutšo, go na le lefelo la—la kotlo. Gomme ka kgonthe Modimo o tla dira soulo ye e dirago sebe kgahlanong le Yena gore e otlwe. Gomme go ganeng Jesu Kriste bjalo ka Mophološi wa gago, ka kgonthe o tla otelwa yona. Eupša go tla ba nako mo o ka se sa bago gona gape. Eupša go tla tsea mengwaga ye milione tše kae go wena go boela morago go seo, ga ke tsebe. Eupša nako ye nngwe . . .

¹⁴⁶ O sephedi sa nako go fihla o tswalwa gape, morago o sephedi sa Gosafelego. Gomme tsela e nnosi o ka kgonago go Bo hwetša ke go ba le karolo ya Modimo ka go wena, e lego Bophelo bjo Bosafelego. A le kgonago e bona? Kgonthe.

Yo a nago le tsebe, a a kwe se Moya o se bolelago go dikereke; . . .

¹⁴⁷ Ke a Mo rata. A ga le dire? Ke thabile go ba le Bophelo bjo Bosafelego. Seo ga se sa ntshwenya gape, gobane re na le Bophelo bjo Bosafelego bjale. Gomme ke tseba seo, gomme ke a holofela gore yo mongwe le yo mongwe o tla ba le Bjona, rena bohle.

¹⁴⁸ Irenaeus, ee, ke na le noute mo ka Irenaeus, ka, “go bala histori ye.” Gore lebaka le Irenaeus a kgethilwego ke ka gobane o bile le maswao (a setlogo) a Kereke ya Pentecostal a mo latela.

¹⁴⁹ Bjale, ge Modimo . . . Ke ba bakae ba dumelago gore Kereke e thomile ka Pentecost? Go lokile. Ke ba bakae ba dumelago gore Modimo o amogetše Kereke ka Pentecost? Go lokile, mohlomphegi. Ka gona ge yeo e be e le Kereke ya Modimo ya mathomo, gomme yeo ke ye A e biditšego “Kereke,” gomme Yena ke Morara bjale, rena re makala, ge Morara o ka hloga lekala le lengwe, le tla ba eng? Pentecostal. Ya! Bjale, mohlomongwe e sego ka leina. Bjale re na le *maina* a Pentecost, eupša ao ga a fete Methodist, Baptist, Presbyterian, Pentecostal. Leo ga le re selo,

le a bona, leo e no ba leina. Eupša ge feela o na le Boitemogelo bja Pentecost ka pelong ya gago, Pentecost ka soulong ya gago, e go fa Bophelo bjo Bosafelego, gona Modimo o go tshepišitše gore, “O ka se tsoge wa kgwathwa ke lehu la bobedi;” gore, o na le Bophelo bjo Bosafelego gomme o ka *se kgone* go kgwathwa ke lehu la bobedi. Le a bona? O na le . . . wena o . . .

¹⁵⁰ “Le se ke la nyamiša Moya wo Mokgethwa wa Modimo.” Bjale, le se ke la O nyamiša (la dira selo se se fošagetšego). Ge le dira, le tla e lefela; gobane Beibele e boletše bjalo, “Le se ke la nyamiša Moya wo Mokgethwa wa Modimo wo le tswaleletšwego ka wona go fihla letšatši la topollo ya lena.” A yeo ke nnete? “Le se ke la nyamiša Moya wo Mokgethwa.”

¹⁵¹ Oo! E ya go ba letšatši la go makatša, moso tsoko, tše dingwe tša dinako tše. Go laetsa gore tsogo e ya go ba lefasepharephare, “Go tla ba ba babedi ka tšhemong, Ke tla tše yo motee; le ba babedi malaong, gomme Ke tla tše yo motee.” Le a bona, e tla ba bošego lefelong le letee, gomme mosegare ka lehlakoreng le lengwe la lefase; ya ba tsogo ya lefasepharephare, Tlhatlogo yela. Phalafala ya Modimo e tla galagala, gomme yo mongwe le yo mongwe wa ba, ba kereke ye nnyane ye *mo, mo, mo*, gomme ebile le sehlopha se sennyane sela se se ilego go kgabola *kua*, le go tla ntle *mo, mo, mo*.

¹⁵² Ge kgarebe yela, kgarebe yela ge e bone ka go tebelelo ya bošupa gore . . . Bjale, elelwang, go be go le dikgarebe tše di šupago. A yeo ke nnete? Goba, ke ra, dikgarebe tše tlhano di ile ntle . . . Dikgarebe tše lesome di ile ntle go gahlanetša Morena, tše tlhano di be di le bohlale gomme tše tlhano e le ditlaela. A ke nnete? Gomme bjale, ka ditebelelong go le bjalo, go be go le ditebelelo tše di šupago. Gomme mafelelong a tebelelo ya bošupa (bangwe ba robetše go tloga go tebelelo *ye*, e tee *ye*, e tee *ye*, e tee *ye*, le *yela*, . . .), tebelelo ya bošupa, fao go bile segalontšu se ile ntle, “Bonang, Monyadi o a tla, eyang ntle go Mo gahlanetša.” Gomme ba tsogile le go lokiša mabone a bona. Gomme bohle ba bangwe ba ba tsogile tlase go kgabola *mo*. Oo, a yeo e ka se be nako ya go makatša!

Oo, re be re tlwaetše go opela pina ye nnyane:

Ke nako ya go makatša go lena,
A nako ya go makatša ya ka;
Ge bohle re lokiša go kopana le Jesu Kgoši ya
rena,
E tla ba nako ya go makatša bjang.

Mo, a re boneng ge re ka kgona go opela yeo:

Nako ya go makatša ya gago,
Nako ya go makatša ya ka;

Ge bohole re lokiša go kopana le Jesu Kgoši ya
rena,
A nako ya go makatša e tla bago. (A yeo e ka se
makatše?)

Oo, a go ka se makatše kua,
Go se na le merwalo go rwala?
Re opela ka lethabo le dipele tša pelo tšohle di
lla,
Oo, a go ka se makatše kua?

¹⁵³ Ke ba bakae ba lena ba tsebago gore le tla fihla gae? Ke ba bakae ba tsebago le tla tšwa ka mojako wola? Ga le tsebe. Ke ba bakae ba tsebago ge le eya ka ntle le tla tla ka gare gape? O ka se kgone go bolela. Kafao se dire bošego bjo bo šitwe; o se šitiše Modimo bošegong bjo, gobane bjo e ka no ba bošego bja mafelelo bjo o tla bago le nako, goba sebaka. O mang, go le bjalo? O tšwa kae? O ya kae? Puku e nnoši lefaseng e ka go botšago se e lego sona, ke Beibele ye ya go šegofala ya kgale mo. Gomme yeo ke Beibele ye re dumelago go yona, yo ke Modimo yo re dumelago go yena.

¹⁵⁴ Gomme ge o se ka go Monyalwa yola, ka go sehlopha se sennyane se sa gosebenene, fasefase *mo* lehono o pitleleditšwe ke dithutotumelo le dikereke tša maina, le go ya pele, ge—ge—ge o se ka go sehlopha se sennyane sela... Bjale, ga wa swanela go tšoena tabarenakele ye, ga wa swanela go tšoena e ka ba eng, o swanetše go no tswalelwka Mmušong wola. Bjale, ge o nyaka kopanelo ya gago ka Methodist, Baptist, Presbyterian, kae kapa kae o e nyakago, go tšwa go wena. Le a bona, o bea kopanelo ya gago le mang kapa mang o nyakago. Eupša ke tla le botša selo setee: ge o tswetšwe gape, o a tseba, “dinonyana tša lefofa...” Nna!

¹⁵⁵ Yo mongwe o mpotšišitše nako ye nngwe, o rile, “Ngwanešu Branham, o boditše bona batho, ‘Eyang morago go kereke ya Methodist.’”

Ke rile, “Nnete. Anke ba ba lahlele ntle, gomme ga ba ne lefelo go ya.” Kafao nako yeo re tla bona...

Seo se lokile, eya morago, e ka se be botelele kudu, le a bona. E ka se be botelele kudu, ba tla ba thwi morago gape.

¹⁵⁶ Le a tseba, nako ye nngwe ka go a... Noage... areka, lefelo la polokego, Noage, go be go le lefula le legolo le etla. Gomme kafao Noage o ntšreditše legokubu ka ntle ga areka, le ile go tsekella le go gowa tikologong. Gobaneng, o be a kgotsofetše, gobane o be a le lenong sa mathomo. O be a kgona go fofa go tloga go setoto se tee sa kgale sa go hwa, le go ja mpanapalegago mmoula wo, le go ya mošola kua godimo ga ye—godimo ga nku ye ya kgale le go ja mpanapalegago tšwa go yona, le se sengwe gape, moo go be go no ba mehuta yohle ya ditoto tša kgale tša go hwa di rapaletše tikologong.

¹⁵⁷ Kafao legokubu le tla no dula fase mola la gowa tikologong,
“Mošemane, ke na le mogobo ohle go nnamong!” go no gowa.

¹⁵⁸ Eupša ge ba ntšreditše leeba le lennyane ntle, o be a le tlhago ya go fapano. Monkgo wola, o “be a sa kgone go o kgotlelela. Mmm!” Gobaneng? Leeba ga le ne sabohloko e ka ba sefe; ke nonyana e nnoši ye e se nago sabohloko. E be e ka se kgone go e šila, kafao selo se nnoši e kgonnego go se dira ke go bowa morago arekeng le go itia lemating.

¹⁵⁹ E no ya e ka ba kae o nyakago go ya. Selo se nnoši ke go kgopelago go se dira ke go no tla ka Mmušong, gomme ke tseba mo o tla yago. O ka se sa kgona go e kgotlelela gape, ngwanešu, o tla re, “Ke tshetše mothalo wa go aroganya, ke tlogetše lefase le morago.” Ee, mohlomphegi. Ka nnete ke yona.

Oo, ba be ba kgobokane ka kamoreng ya
godimodimo,
Bohle ba rapela ka Leina la Gagwe,
Ba be ba kolobeditšwe ka Moya wo
Mokgethwa,
Gomme maatla bakeng sa tirelo a tla;
Bjale seo A se diretšego bona tšatši lela
O tla go direla go swana,
Ke thabile bjang gore ke kgona go re ke nna yo
mongwe wa bona. (A ga la?)

Yo mongwe wa bona, ke nna yo mongwe wa
bona,
Ke thabile bjang gore ke kgona go re...yo
mongwe wa bona, Haleluya;
Yo mongwe wa bona, ke nna yo mongwe wa
bona,
Ke thabile bjang gore ke kgona go re ke nna yo
mongwe wa bona.

Ke ba bakae ba thabetšego seo bošegong bjo? Oo, nna!

Etla, ngwanešu wa ka, nyaka tšhegofatšo ye
Yeo e tla go hlwekiša pelo ya gago go sebe,
Yeo e tla thomago dipele tsa lethabo go lla
Gomme ya boloka soulo ya gago e lauma;
Oo, go a tuka bjale ka gare ga pelo ya ka,
Oo, letago go Leina la Gagwe,
Ke thabile bjang gore ke kgona go re...yo
mongwe wa bona.

Ke nna yo mongwe wa bona, ke nna yo mongwe
wa bona,
Ke thabile bjang gore ke kgona go re...yo
mongwe wa bona, Haleluya;

Yo mongwe wa bona, ke nna yo mongwe wa bona,
 Ke thabile bjang gore ke kgona go re ke nna yo mongwe wa bona.

¹⁶⁰ Bjale ge re sa opela temana ye ya go latela, ke le nyaka le Šikinye diatla, boka le dira bošego bjo bongwe le bjo bongwe, Methodist yohle, le Baptist, le Presbyterian. Šikinyana diatla seng sa lena, gomme ebole ebang go loka go lekanelo go hlahunwa motu wa go hlahunwa wa seng sa lena, ge le kgona. Bjale enong go ba kgonthe, go loka ka kgonthe, le amane ge re sa e opela:

Ke yo mongwe wa bona, yo mongwe wa bona,
 Ke thabile bjang gore ke kgona go re ke nna yo mongwe wa bona;
 Yo mongwe wa bona, yo mongwe wa bona,
 Ke thabile bjang gore ke kgona go re ke nna yo mongwe wa bona.

Le ge batho ba ba ka se rutege go ba,
 Goba go ikgantšha ka botsebalegi bja lefase,
 Bona bohole ba amogetše Pentecost ya bona,
 Ba kolobeditšwe ka Leina la Jesu;
 Gomme ba a botša bjale, bobedi ba kgole le bopapetla,
 Maatla a Gagwe le bjale a sa swana,
 Ke thabile bjang gore ke kgona go re . . .

Bjale a re e opeleng ka kgonthe:

Oo, yo mongwe wa bona, yo mongwe wa bona,
 Ke thabile bjang gore ke kgona go re . . . yo mongwe wa bona, Haleluya;
 Yo mongwe wa bona, yo mongwe wa bona,
 Ke thabile bjang gore ke kgona go re ke nna yo mongwe wa bona.

¹⁶¹ A o be o ka rata go ba mohwelatumelo bakeng sa Gagwe le Masimirina? Ge go etla go lefelo gore o be o swanetše go lebana le lehu goba go e tšeela morago, a o be o tla lebanya lehu? Ee, mohlomphegi. O Modimo, e be e tla ba lethabo. Ee, mohlomphegi. Yeo ke tsela ye ke nyakago go ya, thwi ka phuluphithing. Yeo ke nnete. Ke naganne ke e hweditše gomme ba be ba eya go e hwetša ka Jeremane e sego botelele go fetile. Oo, ba be ba eya go nthunya ka sekoupu sa bošego, gomme mašole a Jeremane a kitimela gohlle go ntikologa ba swere morago ka mokgwa *woo*. Ke naganne, “A selo sa go makatša e tla bago sona go hwela Morena wa ka mo tšhemong.” Oo, nna! A se—a selo sa go makatša.

¹⁶² Gabotse, anke ke le opelele pina ye nnyane. A nka kgona? A le na le—a le na le nako bakeng sa feela ye nnyane ya nthathana? Go lokile. Ga ke kgone go e opela, ke tla e bolela. Oo, ka mehla ke be ke nyaka go e opela. Gomme a mangwe a matšatši a ge

o fihla mošola go legae la go ratega le legolo la gago godimo kua Paradeising, tlasetlase mafelelong a dikgwa tlase kua, moo Russell Creech le nna re tla bego re le gona bakeng sa go tsoma mo, le a tseba. Tlasetlase mafelelong a dikgwa go na le ntlo ye nnyane ya dikota kua mošola ye Ngwanešu Neville a opelago ka yona, *Nkagele Ntlo ya Dikota mo Khoneng*, (Ke naganne o be a bolela ka lefelo la ka) . . . *ka Nagengletago*. Wo mongwe wa meso ye ge o sepelela ntle go mathudi a gago a magolo kua mošola, le go lebelela go dikologa ka mokgwa woo, tlasetlase kua khoneng o kwa yo mongwe a opela:

Mogau wa go makatša, segalo se sebose bjang,
Woo o pholosítšego leratha boka nna!

¹⁶³ O re, “Gabotse, šegofatšang Modimo, mokgalabje Ngwanešu Branham o e kgonne. Sole yena, ke mo kwa a eme godimo mošola gonabjale, a opela *Mogau wa go Makatša*.”

¹⁶⁴ E tla ba mogau wa go makatša wo o ntlišitšego kua. Yeo ke nnete.

Eupša e rotha madi, ee, (Ke ka baka leo ke rerago Ye.) e rotha madi,
Ebangedi ye ya Moya wo Mokgethwa e rotha madi,
Madi a barutiwa ba ba hwetšego Therešo,
Ebangedi ye ya Moya wo Mokgethwa e tšwelapele e rotha madi.

Wa mathomo go hwela polane ye ya Moya wo Mokgethwa,
E bile Johane Mokolobetši, eupša o hwile boka motho;
Morago go tlide Morena Jesu, ba Mmapotše,
O rutile gore Moya o tla phološa batho go tšwa sebeng.

Fao go bile Petro le Paulo, le Johane mokgethwa,
Ba gafile maphelo a bona gore Ebangedi ye e kgone go phadima;
Ba hlakantše madi a bona, boka baprofeta ba kgale,
Gore Lentšu la Modimo la therešo le kgone go bolelwa ka potego.

Disoulo šedile ka fase ga aletara,
(Bahwelatumelo ba) ba goeletša, “Botelele gakaakang?”
Go Morena go otla bao ba dirilego phošo;
(Theetšang! Ka pela!)

Eupša go ya go ba bontši ba tla neelago madi a
bophelo bja bona
Bakeng sa Ebangedi ye ya Moya wo
Mokgethwa le lefula la madi la Yona.
E rotha madi, ee, e rotha madi,
Ebangedi ye ya Moya wo Mokgethwa e rotha
madi,
Madi a barutiwa ba ba hwetšego Therešo,
Ebangedi ye ya Moya wo Mokgethwa e
tšwelapele e rotha madi.

¹⁶⁵ Oo, go ya go ba . . .

[Kgaetšedi o bolela ka leleme le lengwe, gomme ngwanešu o fa tlhathollo. Ngwanešu o bolela ka leleme le lengwe, kgaetšedi o bolela ka leleme le lengwe. Lefelo la go se be le selo godimo ga theipi. Ngwanešu o fa tlhathollo—Mor.] Letago. Amene. Amene. Mmm. Mmm. Letago. Amene. Ee.

¹⁶⁶ Amene. “Yo a nago le tsebe, a a kwe se Moya o se bolelago go dikereke.”

Ke a Mo rata . . .

Rapelang bjale, bonang se A tla se dirago. Ge o se wa ke wa tsoge wa Mo rata pele, a o ka nyaka go Mo rata bjale? A o ka ema le go Mo lemoga, go Mo tšea bjalo ka Mophološi wa gago?

. . . nna, (Modimo a go šegofatše, ngwanešu.)
Gomme a lef- . . .

Yo mongwe gape o tla ema, a re, “Ke a Mo nyaka, gonabjale, ke nyaka go Mo rata”?

. . . -lošo
Mo wa Khalibari . . .

Modimo a go šegofatše, kgaetšedi. Modimo a go šegofatše morago fao, mosadi yo moswa.

Ke a Mo rata . . .

Yo a nago le tsebe, a a kwe se Moya o se bolelago go kereke.

. . . O nthatile pele
Gomme a lefela phološo ya ka
Godimo ga mohlare wa Khalibari.

¹⁶⁷ Tate wa rena wa Magodimong, bjalo ka ge O bona ba bararo ba ba eme ka maoto a bona, O Modimo, ke rapela Wena go ba le kgaogelo, O Wena wa Gosafelego, le go ba fa tshwarelo ya sebe se sengwe le se sengwe, le phološo, Moya wo Mokgethwa ka bophelong bja bona, gore ba ka se ke ba kgwathwa ke lehu la bobedi. Ba a lemoga, Morena, bošegong bjo, ge ba ema fao, gore—gore go ne se sengwe kgauswi go batamela. Moya wo Mokgethwa o file tshebotšo. Go bona Moya wa Modimo o wela magareng ga batho, go O bona o šoma feela go ya ka Mangwalo, feela melaetša

ye meraro go tswalela. O Modimo, molaetša go motho yo mongwe le yo mongwe.

¹⁶⁸ Bjale, Tate, re rapela Wena go ba le kgaogelo. Anke Moya wola wo bohlokwa o dule ka magareng ga rena. Anke re O hlomphe, Modimo; e fe. Tšeela disoulo tše ka tlhokomelong ya Gago, Tate, ke tšona dikenywa tša Molaetša bošengong bjo, le tša molaetša go tšwa go Moya wo Mokgethwa wo o boletšwego magareng ga rena. Gomme re a kgopela, Tate Modimo, gore O tla ba le bona matšatši ohle a bophelo bja bona. Gomme anke “ka go lefase la go se be le mafelelo” anke re kopane le bona ka kua, ba phološitšwe ke Madi le mogau wa Kriste. Re ba neela go Wena bjale, Tate, ba tlatše ka Moya wo Mokgethwa wa Gago. Gobane re e kgopela ka go la Jesu Leina. Amene.

¹⁶⁹ Modimo a le šegofatše, baena ba ka. E ka ba mang a lego kgauswi le batho bao ba bego ba eme, Bakriste, šikinya diatla tša bona ge ba dula fase, go ba fa . . . go ba kganyogela lebelo la Modimo.

¹⁷⁰ Le bona ka mo Moya wo Mokgethwa o obamelago ka gona, ka fao O e dirago thwi go fihla mafelelong? Le a bona? Beibele e rile, “A ba . . . bona ba ba bolelago ka maleme e be ba babedi, goba e sego . . . bontšintši ba bararo,” le a bona. Molaetša e sego mola ke sa bolela, ka morago ga ge O fedile. Yeo ke tsela ye e swanetšego go ba, yo mongwe le yo mongwe tlhomphokgolo ka kgonthe le go theetša se Moya o se bolelago. Morago go diregile eng? Badiradibe ba emeletše go sokologa. Oo, nagana. Moya wo Mokgethwa Wonamong, e sego go o hwetsa . . . ebile ka Lentšu o tlide le go dira diponagatšo.

¹⁷¹ Ke tseba ba bangwe ba batho ba ba bolelago ka maleme, ke tseba bohole boraro bja bona ba ba bolelago; gomme ke—ke tseba ba ba filego ditlhathollo; ke a tseba bophelo bja bona bo hloka sebe pele ga Modimo. Ngwanešu Neville mo, modisha wa rena, modiredi wa Methodist; yoo ke modiredi wa Methodist, a dutšego mo, o amogetše Moya wo Mokgethwa. Junie, godimo mo, Ngwanešu Jackson, moreri yo mongwe wa Methodist, o amogetše Moya wo Mokgethwa. Yeo ke nnete, ka mpho ya maleme le ditlhathollo.

¹⁷² Gomme le hlokomele ka fao re nago le kereke, yo mongwe le yo mongwe tlhomphokgolo; Modimo a bolela. Le bona ka mo A bolelago feela tlwa go ya ka Beibele; yo motee; molaetša ga o ye godimo fela gabotse, O o bolela gape, eupša A ka se o bolele godimo makga a mararo; le a bona, go ya ka Mangwalo kua. Le a bona, O tla fa molaetša wola; Ga A o raraganye, “gobane moya wa baprofeta o bušwa ke moprefeta.” Se sengwe le se sengwe se a theetša gomme ka setu . . .

¹⁷³ Bjale yeo ke tsela ye kereke e swanetšego go ba lenaneong. Bjale go lena batho ba le ka bego le le mo go tšwa ka ntše, ba le nkweleko ke e bolela, yeo ke tsela ye e swanetšego go ba. Le a

bona, molaetša o ya pele. Le bona dipolo? E direga thwi *nako yeo*. Se sengwe se a direga, feela tlwa boka tlhatho goba moye e ka ba ofe wo mongwe. A Yena ga a makatše? Oo, ke thaba kudu gore sona selo sela sa go swana sa go hlomamišwa ke Mokgethwa Paulo, thwi *mo*, ga se sa hwa thwi *mo*. E sa le selo sa go swana. Oo, ke a thaba kudu ke kgona go bolela ke nna yo mongwe wa bona. A ga la? Go lokile.

¹⁷⁴ Bjale, gosasa bošego ka iri ya bošupa, re tšeа lebaka la Laodikia, gomme leo ke lebaka la *lenyalo*. Ke le nyaka le tle ge ka go kgonega le ka kgona. Ke nno ba thari gannyane bošegong bjo, gobane mohlomongwe Moya wo Mokgethwa o bolela le go ya pele. Eupša e sa le ka pela gabjale, ke feela e ka ba metsotsotso ye masomepedi morago ga senyane. Gomme ga mehla ke mo iri ya lesome goba lesometee, kafao ka kgonthe e sa le ka pelapela tlase mo. Kafao a le ipshina ka me—me—me melaetša ya Morena? A le a dira ka kgonthe? E fepa soulo ya lena.

¹⁷⁵ Modimo a le šegofatše, bana ba ka. Le a tseba, ke le rata ka pelo yohle ya ka. Gomme dinako tše dingwe ge Moya o ntshwere, o ripaganya bobedi... Yeo ke tsela ye Lentšu le lego, Le bogale boka tšoša ya magalemabedi. Le ripa le etla, le eya, bokagare, bokantle, tsela ye nngwe le ye nngwe. Eupša leo ke lona le re bolotšago. Lebollo le no ripa nama ya tlaleletšo, dilo tše re sego ra swanelo go ba le tšona.

¹⁷⁶ Bjale, ke le nyaka le hlokomele. A le kwele Moya ka tlhathollo bošegong bjo? “Tlogelang bošilo bjola!” Woo o a bolotša. Ebang go hlokofala! Bohle re aroga mothalong, eupša Modimo o tseba mokgwa wa go šefa dipampara go tloga go rena. A O a dira? Ka nnete O a dira. Ke leboga ka yona. A ga le?

¹⁷⁷ A o rapiano yo monnyane mo? Ga ke bone... A Teddy...? Ga ke mmone mo e ka ba kae. A—a yo...? Go lokile, kgaetšedi, ge o ka rata. A ke morwedi wa gago, Ngwanešu Daulton? Ngwetši. Go lokile. Mohumagadi yo monnyane yo mokaone ka maatla, ke a thaba gore o Mokriste. Go lokile, ke eng ya rena ye bose, kopelo ya kgale ya go phatlalala? A re lekeng e tee, pele re dira, bjale. Motsotsotso feela, kgaetšedi, pele re opela *Tšeа Leina La Jesu Le Wena*.

¹⁷⁸ Ke ba bakae ba tsebago *Se Lebale Thapelo Ya Lapa*? Ke ba bakae le rapelago ka lapeng la gago, thapelo ya lapa la gago? Oo, yeo e gabotse. A re e lekeng gatee, feela boka dinakong tša kgale bjale:

Se lebale thapelo ya lapa,
Jesu o nyaka go kopana le wena fao;
O tla tšeа tlhokomelo ye nngwe le ye nngwe ya
gago,
Oo, se lebale thapelo ya lapa.

A le rata yeo? A re e lekeng gape:

Se lebale thapelo ya lapa,
 Jesu o nyaka go kopana le wena kua; (O na le
 peelano, bjale.)
 O tla tsea tlhokomelo ye nngwe le ye nngwe ya
 gago,
 Oo, se lebale thapelo ya lapa la gago.

¹⁷⁹ [Kgaetšedi o re, “Ngwanešu Branham, a nka kgona go bolela se sengwe?”—Mor.] Nnete o ka kgona, Kgaetšedi. [Kgaetšedi o thoma go bolela. Lefelo la go se be le selo godimo ga theipi.] Kgaetšedi Nash, seo se kaone kudu. Oo, ge o ka no:

Ge re tshepa gomme re sa tsoge ra belaela, ka
 nnete O tla le tliša ntle;
 E no iša morwalo wa gago go Morena ka gona
 e tlogele fao.

E tlogele fao, e tlogele fao,
 Iša morwalo wa gago go Morena gomme e
 tlogele fao;
 Ge re tshepa gomme re sa tsoge ra belaela, ka
 nnete O tla le tliša ntle;
 Iša morwalo wa gago go Morena gomme e
 tlogele fao.

¹⁸⁰ A ga le rate tšona dipina tša kgale? Oo, ke no... Ke a dumela bona banna ba topile pene gomme ba be ba šušumeditšwe ke Moya wo Mokgethwa go bala yeo.

¹⁸¹ Boka Fanny Crosby wa sefov ge bona batho ba lefase ba letšatši leo ba lekile go mo dira a ngwale dikoša tša selefase, ba rile, “Gobaneng, o tla ba mosadi wa mohumi.”

O rile, “Ke gafetše bophelo bja ka go Kriste, le talente ya ka yohle.” O be a le sefov, le a tseba. O rile, “Ke—ke kolota bophelo bja ka le tšohle go Kriste.” Gomme o rile...

¹⁸² Gomme ba bile mohuta wa go mo šišingwa gobane o ganne sebakabotse se sebjalo. Ga se a ke a rekiša ditokelo tša tswalo tša gagwe boka Mna. Presley le bona ba dirile, eupša o—o bolokile bobotegi bja gagwe. Kafao o—o... Ba—ba mo tlogetše, ba rile, “Gona ge o fihla Legodimong, ge eba go ne lefelo le le bjalo,” ba rile, “ge o le boka o le mo, o tla ba sefov.” Ba rile, “Go ka reng ge o le sefov,” ba rile, “o tla Mo tseba bjang?”

O rile, “Ke tla Mo tseba. Ke tla Mo tseba.”

Ba rile, “Go ka reng ge o le sefov? Go ka reng ge o le sefov?”

O rile, “Ke tla phophola mabadi a dipekere.” Nako yeo o retologile go dikologa, a thoma go sepelela morago, gomme o rile:

Ke tla Mo tseba, ke tla Mo tseba,
 Gomme ke lopolotšwe lehlakoreng la Gagwe ke
 tla ema;
 Ke tla Mo tseba, ke tla Mo tseba
 Ka mabadi a dipekere ka seatleng sa Gagwe.

¹⁸³ O Jesu wa ka, ka dintho tšela tše hlano tše bohlokwa, di etšwa madi bakeng sa ka mošola, nka tsoge ka kgona bjang go gana Yo bohlokwa yola? A nke ke hwe, anke ke ye . . . Anke ke ye tsela ya e ka ba eng, eupša o se tsoge wa ntumelela go gana Yo bohlokwa yola a tšwago madi mošola yo a nkhwetšego. Ee.

¹⁸⁴ Gomme ge le tloga bosegong bjo, le nyaka go: *Tše Leina La Jesu Le Wena*. Go lokile, kgaetšedi. A re ka emelela bjale, bohle mmogo.

 . . . Leina la Jesu le wena,
 Ngwana wa mahloko le madimabe;
 Le tla go fa thabo le khomotšo,
 Le tšee gohle mo o yago.
 Leina le bohlokwa (Leina le Bohlokwa), Oo
 bose bjang! (Oo bose bjang)
 Kholofelo ya lefase le thabo ya Legodimo;
 Leina le bohlokwa (Leina le bohlokwa), O bose
 bjang!
 Kholofelo ya lefase le thabo ya Legodimo.

Bjale ge re inamiša dihlogo tša rena, gomme re opela ka boleta:

Leineng la Jesu go a inangwa,
 Go wa go ikala maotong a Gagwe,
 Kgoši ya dikgoši Legodimong re tla Mo rweša
 korone,
 Ge leeto la rena le fedile.
 Leina le bohlokwa, O bose bjang!
 Kholofelo ya lefase le thabo ya Legodimo;
 Leina le bohlokwa, Oo bose bjang! (Bose
 bjang!)
 Kholofelo ya lefase le thabo ya Legodimo.



LEBAKA LA KEREKE YA SIMIRINA NST60-1206
(The Smyrnaean Church Age)
TATELANO KA KUTOLLO YA JESU KRISTE

Molaetša wo ka Ngwanešu William Marrion Branham, setlogong o abilwe ka Seisimane ka Labobedi mantšiboa, Desemere 6, 1960, ka Tabarenekeleng a Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org